

XIX
FREDERICI RUYSCHII

*Anatomes & Botanices Professore, Academia Cesarea
Curioforum Collegæ, nec non Regiæ Societatis
Anglicanæ membri,*

ADVERSARIORUM

ANATOMICO-MEDICO-
CHIRURGICORUM

DECAS PRIMA.

In quâ varia notatu digna recensentur.

CUM FIGURIS ÆNEIS,
CUI ADJUNCTA EST

MICHAELIS ERNESTI ET MULLERI

EPISTOLA PROBLEMATICA

Ad V. C. FRED. RUYSCHIIUM

DE

OVARIO NOVO.



AMSTELODAMI,

Apud JANSSONIOWAESBERGIOS.
MDCCXXIX.

ADVERSARIA ANATOMICA.



Itam mihi, sanitatem, animum, atque vires benignissimè largitus est Deus Ter Optimus Maximus, ut cum gaudio abolverim jam primum Thesauri mei Anatomici decimum. Constitueram opus illud continuatà porro serie producere; sed repenitissimè expensâ mutavi sententiam: quia longè magis me prodesse posse Lectoribus credidi, si omnem deinceps facultatem, quâ Deus me ditabit, impendero conscribendis, quæ puto à me vel primo fuisse inventa, aut si forte Alii me prius detexerunt, clariorem tamen in lucem per me protractâ, jure quodam mihi fas sit asserere.

Quum verò super hoc negotio cum animo meo seriò, & diu deliberarem, auspiciò in memoriam venit propositum egregii Johannis Baptistæ Morgagni, quod in Medicinæ eximia commoda profecutus fuit, dum titulo *Adversariorum Anatomicorum* evulgavit ea, quæ eleganti industria repererat, aut revocaverat ab interitu, olim tamen cognita. Quoniam enim ita instituenti animum opus haud est, ut de concinnando rerum ordine multum sit sollicitus, parcat tempori, rerum observata auget, effugit repetitionem, longèque magis incumbit gravi materiæ, quam inanibus ornamentorum. Imitari conabor id ipsum, ut oportunitatem nanciscar, quâ emendem errata mea Anatomica, quæ ipse fortè in aliis meis olim scriptis commisi: Quis enim mortalium omnibus se horis facere jactet? Quis ab errore immunis? de me, id vel cogitet, absit! Satis superque vidi, atque dolui, hinc inde excidisse festinè, quæ maturescentis senii prudentia aliter dictata vellet, multumque referre, an juvenili impetu efferantur quædam, an verò ab Octogenario multos prælia in annos prodeant. Sed & simul utar lege, quæ cunctis præscripta est. naturæ

A

Cul.

2 ADVERSARIA ANATOMICA.

Cultoribus: scilicet, si erroris quid perspexero in operibus alienis, monebo audacter; neque tamen hac ego gratiâ Eosdem aspernabor: quia homini impossibile puto, ita benè subductâ ad scripturam ratione esse, ut nihil postea vel ipse corrigendum æstimet.

Ipse gaudebo sane, si quis in meis deprehensa vitia in melius commutet: *Damus hanc veniam, petimusque vicissim.*

I.

De Conceptu foecundo, Seminisque recepti hospitio & viâ.

AD conscribendam naturæ ipsius pulchrè intellectæ historiam observata per sensus prius requiri, id satis superque constat; atqui in illa nihil cognitu difficilius, usque prætantius, legitur, quam enarratio sincera eorum, quæ in animalibus, maximè autem in homine ipso, spectari queunt; cuius interim descriptio nusquam minus certa vel clara habetur, quam ubi occupatur in contemplatione ortus ipsius: quare Alexander, ut præclari quid in hisce addisceret, immensos adèd Thesauros effudit, quibus utens Aristoteles indagavit hanc Physices particulam, quæ circa generationem animalium versatur. Et profecto maximus inter veros Philosophos habendus Guilielmus Harvæus, qui ut orbis eruditi lux, ita Britanniae intaminatus honor, plus promovit hanc historiam solus, quam cæteri unitis laboribus; huic quippe Serenissimus Magnæ Britanniae Rex, Carolus primus, animo verè Regio, quam generosissimè largitus est; quæ vota Harvæana tantum opus molientis petebant.

Mihi ergò sensa hujus consulenti mirum semper visum fuit, quod velit, statim à coitu atque foecundo conceptu incisus foemellis nihil Seminis Masculini in Utero, ac in cavis Tubarum Fallopii, apparere. Asserti quidem hujus veritatem auctoritas Viri asseruit quam plurimis, mihi reliquit semper dubium. Circumspexi idèd à multis abhinc annis ad omnia, quorum indicio scire possem, quid in hac re doceret ipsa rei speculatio. Rarum est, quærenti eventum respondere in hisce:

ce: rarissimum omnium, in ipso corpore humano cernere, quid hujus rei contingat: quare mihi, bis jam hac contemplatione fruente, vitum est vobis, Viri Nobilissimi, explicare rem utut reperi.

Juvenis ætate atque vigore corporis, utpote trigesimo vitæ anno nondum perfunctus, formosâ meretricis pulcherrimæ facie pellectus, eò rem deduxit denique, ut complexu venereo illius, suis ex votis fruereetur. Simul ac verò suam voluptatem expleverat, detestabili facinore scorti jugulum ita discidit, ut exemplò moreretur: statim nos duo poliatri, simul cum chirurgis, jussu Magistratus eò missi, ut cognosceremus conditionem vulneris, atque de eâ Judicibus renunciareremus scripto.

Deprehenduntur à nobis Vasa sanguifera Colli ita abscissa, ut illicò inevitabilis mors subsequuta fuerit: cum verò scirem, quæ contigerant, incidi abdomen cupidissimus videndi ea, quæ in Utero atque partibus conceptui propriis forte occurrera essent.

Quam prudentissime ergò Uterum, Ovariorum ductus, & annexa, Cadaveri exemi: vidi Os Uteri clausum, lenissimè digito pressum se aperire, atque feminis guttulam dimittere, statim suspicatus, quid rei futurum esset, coram Viris Eruditissimis atque faciundo Medicinam claris, Henrico à Bronckhorst, Hermanno Schyn, & Justo Freder. Ritmeyero, Medicinæ Doctõribus, Uterum secundum longitudinem suspensâ manu, ne quid turbaretur, aperui, vidimusque cavum Uteri albo, naturali, atque bono semine masculino repletum, utramque etiam Tubam Fallopiam eodem semine plenam: quare miro hoc phænomeno bene ab omnibus perspecto, illicò cuncta hæc immixti liquori meobalsamico, ubi sicuti illis Clar. viris prædixeram, induruit semen locis iisdem atque adhæsit, ut vel jam adhuc luculentissimè videri queat, nullâ omnino re mutatâ, nisi quod cuncta jam vi liquoris obdurerunt. Idem olim vidi in cadavere mulieris cum adultero deprehensæ in adulterio, statimque à marito deprehensore interfectæ, ut descripsi in Thesauro Anatomico, quem ordine vto. evulgavi. Hinc suspicor ad foecundum conceptum, ipsum crassum semen in interiora Uteri, & Tubarum Fallopiarum recipi, non tantum id, quod spirituum exhalantium specie eò per-

4 ADVERSARIA ANATOMICA.

vadere quacunque demùm viâ Harvæani autumant. Testatur Fallopius sæpenumero se in Tubis hîcæ verum Semen deprehenfum plurimis Spectatoribus observandum præbuisse. In Observ. Anatomicis. Vid. & de Graaf, de generat. mulier. Cap. xiv.

II

De Ovario, ut habetur, novo, & de Hydatidibus plura.

QUum verò Genitales in foeminâ partes aded compositæ sint, mirisque intricatæ involucris, simul rara aded ipsîs oculis spectaculorum circa fabricam tempore foecundationis occasio, quis miretur varias hinc exoriri scrutantibus sententias super iisdem rebus! Ideo post binas, quas modo descripsi, observationes, commode dabo responsum Epistolæ, quâ me decoravit publicis excusâ typis Vir Clariss. Mich. Ernestus Etmullerus, anno jam elapso; satius quidem fuisset respondendo obsequio citius defunctum me fuisse, fateor, at varia, neque temerè effugienda negotia, votis sæpe meis obstant, occupato autem homini, longè magis senî, familiaris nimium agendorum procrastinatio atque tarditas quædam singularis.

Scripserat quidem in illa Vir præclarus, Dexterrimum artis Anatomicæ cultorem Martinum Naboth existimare, inventum sibi novum, fortè unicum, Tertium saltem Ovarium, rejicere ided illa pervulgata duo, quæ omnes hæctenus pro veris admisere post Harvæum Ovariis muliebribus, neque agnoscere nisi unicum hocce novum pro vero. Quum verò Celeberrimus & præclarus Professor Etmullerus meam super novo hoc dogmate sententiam pariter requirat, tamen responsum haud festinavi, quia innumeris occupabar scrutationibus structuræ Viscerum aliorum, tum etiam, quia prius necesse habui in cadaveribus muliebribus omnia perquirere, denique, quoniam ea jam argumentorum pondera Etmullerus attulerat, quibus multa addenda me habiturum esse vix sperabam. Profiteor igitur palam, plurima me cadavera foeminina, eaque variæ valde ætatis, incidisse, atque intento perlustravisse animo & oculo, neque tamen unquam in cavo Uteri vidisse aliquid.

aliquid, quod ullà omninò specie Ovarium verum referret. Deprehendi quidem interius in Utero circa ejus Collum Fabricam talem, qualem Eruditissimus, atque Elegantissimus Morgagni descripsit operis sui Pag. 11. §. 14. Depinxit verò quàm exactissimè Tab. 3. supra literam K. rugis, fibris, valvulis contextam. Ibidem loci frequens sic satis est cernere Hydatides vario ut numero & situ, ita & magnitudine. Videtur autem harum quasdam tum forte occurrentes Laudatissimus modò Auctor citato eodem depingendas curavisse loco.

Nunquam verò cogitandum erit, has ipsas vel Ovarium, vel aliquam illius partem, constituere. Neque certè Perspicacissimus Regnerus de Graaf in aureo de Genitalibus Mulierum libro, capite septimo, postquam descripserat has Valvulas, nec minus nitidè Tab. 1x. sub literis D. C. E. & Tab. x. Lit. H. K. L. depinxerat, unquam somniavit de statuenda hic Ovarii sede. Videtur tamen Clarissimus Naboth contemplatione eorum, quæ jam descripta dedi, in sententiam hanc nimis profectò præceps incidisse. Quæ autem Egregius Vir argumenta allegat, ut paradoxum suum firmet, diluit Insignis Et mulserus. Profectò audacter nimis auctor ille asserit, *Conceptum fieri potuisse absque subsidio ullius Vesciculæ ex Testiculis Foemineis oriundæ, & mulieres concepisse, imo peperisse, quæ tamen omnibus Testiculorum Vesculis caruerant.* Undenam, quæso, id perspectum fuit? quibusnam documentis evincitur? quonam modo probari unquam poterit, his Foeminis tempore conceptus nullas adfuisse Vesculas? an quia post gestationem, partum, mortemque, nullæ inventæ fuerunt? nemo certè facile patietur debili adèdò ratiocinio eripi sententiam, quæ Accuratissimorum Virorum sagacissima indagine tanto annorum successu plusquam probata fuit, & accepta. Neque multum proficit exemplo, quod ad asserendam opinioni suæ fidem citat ex auctoritate Clarissimi Professoris Christiani Schambergii, quum ait: *In incidendo cadavere puerpera illic post partum difficilem mortuæ invenisse mollem Testem solitæ magnitudine quadruplo majorem, intra eos verò nec Vesculas, nec Glandulas; sed abundantis pinguedinis, cum pilis intermixtis, copiam.* Namque morbi nativam partium fabricam subito immutant, sæpeque constituit novem mensium gestationis

6 ADVERSARIA ANATOMICA.

tempore ipsa Ovaria omnium minimè Vesiculas suas offerre, sed toto hocce decursu in officio suo, quasi otio, feriari: imò verò ne tunc etiam, ut & ilicò à partu haud apparet illa interior Colli Utrini structura. Ipse ego sæpenumero Steatomata ejusmodi reperi in Testibus: quin & à longo tempore inter Musæi mei rariora asservavi Ovaria, in quibus Atheromata inveni pultaceà plena materià, neque id modò, verum Dentes veros, atque ex amussim factos, dispositos autem racematim ibidem repertos figurà dudum expressi in Theaur. Anatom. 10. ut & alium dentem humanum in Atheromate Ovarii stabulantem reperi, qui nunc à capillo pendens, tenetur pede anteriore sceleti nitidissimi murini in eodem meo armario.

Quam improbabilis, ne gravius apponam quid, est enuntiatio Nabothii, qui statuit Tubas Fallopii, neque virile semen ex Utero ad Testes, neque ab his in Uterum Ovula contenta deferre?

Utinam ponderasset Vir Egregius paulò majori cum curà, quæ Viri Clarissimi, Graafius, Hornius, Drelincourtius, Swammerdamius, Cyprianus, Nuckius, Malpighius, tota in Britannii & Galliis eruditissima Societas, tot experimentis, Embryonum, Abortuum, Partuum, Monstrorum, in hominibus brutisque observarunt, atque conscripserunt! utinam trutinasset sollicitus quæ in recentioribus Academiæ Regiæ Parisiensis monumentis habentur de Foetibus in ipso Ovario, in omni parte Tubæ Fallopiæ, æquè ac in cavo Uteri repertis! haud crediderim ob unam, aliamve levem satis ratiunculam deserturum fuisse systema, cui statuendo tot, tamque Egregii Viri operam navaverant; haudquaquam porò dubito, quin optimus opinionis hujus Auctor, prælecta Observationum præmissarum utrâque, cessurus sit veritatis viribus.

Denique video D. Naboth proferre contra vulgarem Medicorum Doctrinam, quod Tubæ Fallopiæ sæpe circa Fimbrias suas laceras ita constrictæ fuerint, ut coaluerint omnino. Vera quidem hæc agnosco expertus. Sed quid inde infertur! profectò id unum, per morbos hæc contingere scilicet. Nunquam tamen exemplo vero constitit mulieres, diu postquam utraque Tubarum concreverat penitus, concepisse, sciant

ſeiant hac occasione Anatomes ſtudioſi veriffima eſſe, quæ dudum evulgavi ſcribendo: aliquoties me obſervafſe Fimbrias Fallopiæ Tubarum in unum coaluiſſe cum Ovariis ipſis. Ut enim Anatomicorum decus, amicusque mihi, dum fata ſinebant, integerrimus, Regnerus de Graaf, id ipſum haud tantum obſervavit Lib. de Genital. mulier. Cap. 1. ſed & icone vivâ expreſſit Tab. XIX. fig. 5. & fig. 1. literis C. F. atque Fallopius id toties viderat, ut in Inſtitut. Anatom. id fere ſemper putaret, ſed errorem correxit in Obſerv. Anatom. ita ego ipſe ſpecimina talia in Muſæo meo adſervo. Quia tamen Inſignis inter Anatomicos Morgagni, poſteaquam id in Obſervationibus meis Anatomico-chirurgicis legerat, dubitavit an ſape fieret, nec videtur Ipſe illud unquam oculis ſpectaſſe ſuis, promptus ſum proſectò, qui Eximio atque Meritiſſimo Profeſſori, ſi id modò velle reſcivero, transmittam ipſe ſpecimen ritè paratum, ut conſervari queat, in quo rem ipſam contemplabitur; quum plura exempla præſto mihi ſint. Neque diſſitebar interim, quum res ipſa ita ſe habeat, longè frequentius me illud fuiſſe expertum in vetulis, decrepitis, effoetis, quàm in corporibus juvenilibus.

Quæ quidem omnia, ut ad propoſitum revertar denique, id efficiunt, ut firmus credam certuſque, quod tamen tanti Viri pace dictum velim, Ovarium illud fictum Nabothianum fuiſſe modò Hydatidum, inter rugas Valvuloſas Os Uteri internum obſidentes natarum, congeriem. Hydatides autem huiusmodi, ut in omni morbo lento partes quaſcumque occupant, ita viſcera præprimis infeſtare interiora obſervantur frequentiffimè. Ego verò cenſeo Hydatidas eſſe extremitates Vaſorum ſanguiferorum, quæ priorem ſuam mutaverunt naturam, atque in vitioſam degeneraverunt fabricam. Id didici maximè ex eo, quod Placentas, in quibus nulli Lymphæ ductus inveniuntur, aliquoties ſpectaverim Uterinas, imò & inter mea aſſervem hucusque quæ unam partem omnino in Hydatides converſæ ſunt, aliam verò partem ſanæ, quin imò habeo alias, quarum tota fere in Hydatidas hæſce permutata cernitur, quæ alii habuerunt pro falſa conceptione. Jecinora quondam inveneram, quæ etiam penes me recondita ſervo, quorum tota moles abierat penitus in Hydatides. Demonſtrare quoque poſſum in Muſæo meo Peritonæum Hydropicæ foeminæ

foeminæ integrè converfum in Hydatidum texturam. Videre etiam mihi quondam contigit in ipso plexu Choroide Hydatidum quam plurimas. Neque tamen usquam frequentius repe-
rias id genus mali, quàm in Abdominali regione; ita tamen ut longe plus, & acerbius foeminas infellet, quam viros. In ipso autem corpore foeminino magis ovaria, quam alias partes, occupat. Quam mirabile est, licet sit adeò frequens, videre ampullulas aquâ turgentes ab ipso pendere tam Utero, quam ab annexis illi partibus, quæ Uniones sanè referunt hærentes à pedunculis varietate longitudinis admodum diversis? huc autem advertas, quæso, *animum*: nascuntur aliquando ex Hydatide parvâ utres ingentes profectò, dum exiguo ab inchoamento crescit assiduo novi humoris appulsu in terribilem molis immanitatem, quâ totum abdominis cavum ad crepaturam usque repletum visum quandoque fuit. Malum sanè frequentius multò, quàm creditur. Fit eà re morbus, quem Hydropem clausum vulgus appellat. Qui absque undulatione est, uniformi, durissimèque tenso tumore manifestatur, neque patitur prementi cedere partes, nec sonum edit ullum oscillante corpore. Memor equidem pulchrè sum casus, dum in cadavere muliebri, aperto abdomine inveni saccum aquâ turgidum, adeò certè magnum, ut serosi liquoris copiam contineret, quam novem vulgares urnæ (quas *water-emmers* Batavi appellant) tantum capere poterant. Mirum verò, extrâ membranaceum huncce saccum nihil in Abdomine præterea inveniebatur laticis.

Ipse autem capax hicce saccus ex Hydatide expansa, in molem hanc vix imaginabilem increverat, interimque pro rato, quo crescebat, pellis ejus incrassescibat simul. Quod etiam in omni ferè simili tumore fieri solet. Quid enim? in Ganglione, Atheromate, Meliceride, Talpâ, aliisque id genus Tumoribus, quæ in principio tenues erant pelliculæ, ubi multum increvit Tumor, instar crassioris, lentique corii spissantur. Ipsa quoque Vesica urinaria diu à magno extensa calculo se ipsa multis vicibus crassior reddi toties conspicitur; quod qui ignorant, infelicissimè sæpe hæc de causâ in Lithotomiâ errant Artifices.

Omnia nunc hæc observata nos docent, haudquaquam absolum esse, si dixerò, ut jam ante, Hydatides hæc circa Uteri

Uteri internum, Os in cavo ejusdem sæpe natas mirabilia quam plurima efficere.

Manum ergò subducerem de tabulâ; nisi unum alterumve adhuc Viro Celebri memoratum vellem: dissecuisse me scilicet ante quadraginta & sex abhinc annos in demonstratione publica Cadaver mulieris, atque invenisse in cavitate Uteri ejusdem Embryonem, qui corpore suo toto æquabat Hordei mundati granum, simulque quam clarissimè deprehendisse in ipso Ovario cavitatem quandam hæere, quæ manifestò habebat Ciceris magnitudinem, cujus concava facies sanguinolenta spectabatur atque rugosa, planè eodem apparatu, quo concava Uteri superficies ilicò à partu semper videtur. Fortè quoque fidem receptæ asserit sententiæ pulchri exempli speculatio; etenim Uterum muliebrem conditum habeo, cujus Ovarium multa continebat Ova, ex quibus crepantibus, seclisve, exsiliit lymphaticus humor, verum inter plurima horum unum spectatur Ovario adhuc adhærescens, interim tamen imprægnatum focundatione genitali, ut Tibi cernere datur contemplanti annexam hic figuram. Ad Te se convertit mea scriptura Clarissime Etmullere, qui occasionem fecisti huic dissertationi, quam locupletissimo augmento amplificare datum esset, nisi actum non agendum scirem.

III.

*De Glandulis Cutis humanæ, atque de
Papillis nervosis.*

AGite jam, experiamur quid sensus de hisce doceat? utraque Cuti adesse asseruere Steno, Swammerdam, Malpigijs, magna illa & clara in Anatome lumina. Utque fieri natum, audaciâ asserendi hosce Auctores multum adhuc superaverunt cæteri, licet minus instructi fuerint experimentorum supellectile, sed focundiores figmentis. Vidi ita quondam Iconibus has ita delineatas, ut obstupuerim merito ad infrænatam adeò licentiam fingendo, spectâ Tabulas, quibus Celeberrimus Prof. Bidlous hæc depictas evulgavit in magno suo opere Anatomico, confer deinde accuratam rei ipsius

B

con-

considerationem, ut videas quam sibi indulgant sæpe Auctores, quantâque sit circumspectio opus, antequam tuto iis fidat Philosophus. Fateor interim, post tot molimina nunquam Glandulas hasce detegere me ita valuisse, ut eas describere possem, imò ne videre quidem licuit. Devinctum itaque me profiteor Illi, qui eas ibidem existentes oculis exhibuerit meis. Interea loci unicuique spectatori harum deliciarum idoneo demonstrare jam possum, & quidem jam tantum, Organum nervosum cutaneum tactui exercendo proprium dicatum. Quum enim haud ita dudum Vasa sanguifera in binis Cruribus humanis materiâ meâ replem in alios usus, aliudque prosequer eo ipso propositum, bonâ fortunâ & auspiciatò evenit, ut ita replerentur ambo, ut undique penitus ruberent præ innumerabili Vasculorum multitudine. Hoc ipsum quum lætabundis perlustrarem oculis, ilicò liquidò advertebam toto Cutis tractu plurima loca esse albicantia, turgidula tamen, atque in obtusum elevata apicem, denique Pili enatis originem clarè præbentia. Quæ contemplatus facilè censui Nervosas hasce extra minima Vasa repleta Papillas esse habendas. Facit imprimis eò mira simul observatio, dum toto Cruris, Pedisque ambitu evidenter ubique cernerentur, neque tamen ulla inveniretur in convexâ parte Pedis, quam dorsum ejus vocant vulgò. Quid inde? an tactui minus est apta nata hæc pars? omnino. Experire, & invenies. An ibidem igitur nullæ adsint? id haud dixero. Forte minores, aut profundius sitæ, minus apparent. Fateri tamen cogor, me ipsum olim, & sæpe, credidisse non modò, sed & scriptis asseruisse Glandulas hasce cutaneas adesse. Sed magis id egi præceps, & abreptus auctoritate omnium fere Anatomicorum, quam veris experimentorum documentis. Scire tamen est, inter cuncta argumenta nullum plausibilis esse, quod Glandulas hasce doceat adesse, quam mira illa in morbis tubercula, quæ toties sub Cuticulâ ex ipsa se Cute elevant, atque protuberant.

Ipse utique in armario meo plura talia spectanda servo. Verum, ubi cum curâ hæc examinavi, putavi Glandulas non esse, sed Epidermidis quasdam elevationes.

Neque alienum me fateor à sententiâ, quam Amicus meus Clarissimus Hermannus Boerhave, Botanices, Medicinæ, &

& Collegii Practici Professor publicus in Academia Lugduno. Batavâ ore, & literis, mihi explicuit.

Ille scilicet reperit sub Epidermide in ipsâ Cute, aut quandoque infra ipsam, hæere parva quadam receptacula, rotundula, ambitu tenuis membranulæ confecta. Hæc quidem superiori, quâ Epidermidem spectant, parte aperta observat ita, ut angustato tamen orificio conniveant, neque facili nimis contentum humorem eructent. Vidit quoque evidenter Epidermidem ipsam pertusam ibi, ubi hæc folliculorum emissaria adsunt, ut ex specu cavo cum folliculo cavo in orificia eorum angusta, ex his per apertam super eâ Epidermidem iter sit quandoque patulum. Membrana constituens Vascula hæc undique pertunditur per extremas fistulas adferentes humorem blandè pinguem, dum recens omninò huc allabatur, est enim tunc tenuis, limpidus, inodorus, insipidus. Ubi verò receptus hic loci quâcunque inertia diutius hæret, exhalante ejus parte liquidissimâ inspissatur, tenax redditur, utque oleis ferè proprium ceræ tenacis indolem adipiscitur, stagnat, vix perspirat, augetur, tubercula creat, & morborum cutaneorum frequentissimam, licet prætervisam, causam præbet. Putat autem humorem hunc unctuosum, in sanitate incolumi, emolliendis, laxandis, à rigiditate & ariditate præservandis, in flexilitate requisitâ conservandis extremis inservire; defectu verò ejusdem diros excitare morbos. Hunc esse asserit oleosum liquorem, quem recentissimis inventis oculis spectabilem reddit Leeuwenhoekius, ut ipsi mihi per comitatem ejus insignem videre licuit. Hunc esse eundem, quo inuncta cernitur largissimè facies sanorum, simul ac blando ad saturitatem somno refectioni splendentem quasi ex inunctione olei vultum exhibent.

Hancipsam pinguedinem Capillos inungere, juxta eosdem defluere, atque flexilitatem iisdem conciliare unctuosam, ne ariditate findantur, qui aliter unus est inter morbos capillorum. Deprehendi imprimis hæc organa iis corporis locis, ubi partes magis exponuntur aëri, sibi mutuo magis contiguæ sunt, aut attritu quodam maximè agitantur. Unde ad palpebras, faciem, nasum, axillas, inguina, præputium, nates, pedum inferiora, imprimis apparent. Quando liquor hic spissatur, facit illas exiguas papillas albas, quæ glandes valde parvas refe-

B 2

runt,

runt, in facie frequentes, imprimis in naso: hæ pressæ fortiter eructant lentam materiem, albam, ceraceam. Si folliculi magis replentur fiunt tubercula parva, quæ partes contiguas leniter inflammando, rubedinem, pruritum, pustulas faciunt varii coloris, adspæctus ingrati. Quando deinde turgent magis, crassamentum incipit per meatum folliculi usque ad superficiem Epidermidis per meatum illius exire, & quâ parte aërem experitur cærulescere, vel nigrescere, in apice; si tum fortiter premitur intra binos oppositos digitos, tum ex ampullato receptaculi ventre lenta materies per angustatum collum pressa, in ipso hoc transitu formatur in cylindrum contortum, qui apice nigro, longo, albo, intorto, corpore, tam exquisitè vermiculum refert, ut Medici pariter & idioræ decepti hâc imagine putent se vermes cutaneas oculis vidisse.

Verum quando magis increfcens magisque, turget aggesta materies, tum Atheromati, Meliceridi originem dat veram & unicam, prout materies pulti, vel cerato melli magis assimulatur. Quin etiam, quando tubera talia maligna evadunt Lepram, & Cancrum cutis; nec non Elephantiaſin, excitari autumat. Atque huc usque animi sui sententiam super his mihi explicatam paucis dedit, poscentique evulgare hac occasione concessit: posset verò eam locupletissimis rerum documentis amplificare, atque hinc docere veriore methodum affectus cutaneos curandi. Neque ego ipse hisce magis investigandis deëro: interim tamen nemo corpora hæc potius Glandulas, quam receptacula humoris pinguis vocabit. Tu interim vides, mi Lector, haud ita infusum me esse, ut esse negem, quidquid propriis non usurpo oculis.

Abſit talis à me vanitas. Id aſſero verus, mihi nondum viſas eſſe, ideoque devintiffimum me fore illi, qui luculenter eaſdem indicaverit. Neque eſt quod putet quis ſudoris excretionem abſolvi per ſubcutaneas Glandulas, licet plerique ita aſſentiantur præeunti Excellentiffimo Anatomicorum Marcello Malpighio, nihil minus: nam ultimæ Arteriolarum extremitates, quæ tomentofæ Goſſypii tenuitatem plurimum exſuperant, canales ſunt ipſi, quibus ſudoris transmittitur materies. Eadem autem fiſtulæ exhalant etiam ſpecie inviſibilis ſumi emeritos humores ex corpore & ſuperfluos. En verò

ex-

expansum mihi campum hîc latissimum exspatiandi per varias Aliorum super his, quæ modò exposui, sententias. Sed abriperent me hæc à proposito meo, ut scilicet manifestos errores, quos in Anatomicis Ipse commiserim, vel alii, absque ullo odio, solo veri amore, exponam.

I V.

*De Glandulis aliarum partium
membranosarum.*

INteriora Cerebri cava, Ventriculos vocant Magistri, Pleuræ ambitum interiorem, Pericardium, Peritonæi cavitatem, Tunicamque Testium vaginalem dictam, semper madere, lubricari, vaporoso humore allui, omnes norunt. Neque minus evidens habetur laticem hunc in cava illa pulsus liberè sursum inde emanare retrogrediendo. An verò opus illud efficeretur Stenonianis, & Malpighianis Glandulis, quas egregii hi viri ponunt hos in usus membranas illas ubique obsidere? diu dubitavi. Verum, postquam arte singulari usus detexi nunquam satis admirandam Arteriolarum extremitatum tenuitatem, facile perspexi ad scopum hunc nec opus esse Glandulis, imò verò neque easdem ibidem reperiri. Fatetur id sanè magnus Malpighius asserendo Glandulas hæc in statu sano conspectas haud fuisse, sed in morbis, ubi dilatatæ sunt, & auctiæ, demum conspicuas fieri. Fateor in hoc argumentandi genere speciem subesse persuasionis. Sed tamen putem corpuscula, quæ apparent in membranis dictis, non esse, nec fuisse, Glandulas. Contrà verò clarum mihi quidem videtur, extremitates Arteriarum obstructas abire in tumores præternaturales, mutatâ penitus nativâ formâ. Nonne Aneurisma, Varix, Phlyctæna, atque alii similes morbi, exempla clara exhibent? Qui itaque asserit Glandulas esse ibidem locorum, in sanitate demonstraret oportet: id enim Anatomici est, de non exploratis filere potius, quam luxuriosè excogitare.

V.

*Rursum de Glandulis aliarum partium, & de
Papillis tactus quam pluri.*

Quo magis sedulò, & diu perscrutor corpuscula, quæ in corpore nostro ab Anatomicis Glandulæ appellari solent, eò magis certus fio, Glandulas haud esse, quæ vulgato sermone ubique pro talibus recenseri solent. Neque ullo modo video, corpuscula, quæ sita sunt in averſa parte coronæ Glandis Penis virilis, Glandulas esse; licet subtilissimus Morgagni cum aliis pro Glandulis agnoverit in adversariis. Mihi interim, salvâ Viri Egregii auctoritate, apparent illæ eminentiæ habendæ esse pro Papillis Nervosis ultra superficiem in limbo coronæ Glandis assurgentibus, quæ, ubi orgasmo venero tensæ, atque molli frictu pressæ sunt, summam in hoc opere delectationem excitant. Verùm quoties tabo virulento impuri scorti inquinantur, fœdo sanè spectaculo intumescunt, atque deglubente acrimoniâ concepti veneni tenuem, quâ tegebantur, pelliculam, nudatæ atque erosæ atrocitatem intolerabilis doloris sævissimam experiuntur: quod summo est argumento Nervorum magis, quam Glandium, naturæ affines esse. Novi equidem Pilis hisce locis Papillas carere; sed neque id in pulposo digitorum apice fit, ut etiam non in volâ manus aut pedis plantâ, quibus tamen locis omnia Papillarum plena. Notavi jam dudum extrema Vasorum sanguiferorum singulis fere plagis corporis quam maximè differre in structione, quâ constant. Verùm etiam didici deinde id ipsum quoque in Nervorum obtinere extremis: alias quippe in superficie interiori Palpebrarum deprehendi, rursus in Papillis Mammarum mirè differentes eas, quæ in eminentiori harum parte adsunt; in Lingvâ autem mirificè iterum diversas ab iis omnibus, dum & in Cute locatæ iterum longè recedant à specie, quâ præcedentes prodeunt. Observavi namque quibusdam locis corporis tantâ has copiâ haberi, tanquam propinquâ necti vicinitate, atque concinno adeò disponi ordine, ut inter illas spatii vix aliquid intersit, imò ut & extra superficiem

ficiem Cutis emineant, ut jamjam in toto observavi Pene, unde tantæ voluptatis capax, tantoque obnoxia dolori, pars hæc deprehenditur. Ilæ autem, quæ profundius immerfæ sunt Cuti, videntur infervire huic proposito, ut basin præbeant nascituris Pilis; atque hæ quidem ipfæ numero habentur longè pauciores, neque etiam in confpectum fe produnt oculis nostris, nisi prius pilosæ alicujus partis Vascula cuncta materiâ meâ rubrâ omninò repleta sint, ita ut nullus ramulus illorum absque hacce cerâ sit. Id verò jam pridem modò reperi, atque præstiti in Crure humano, quod coram ostendi Viro in Medicis & Botanicis incomparabili Boerhavo. Etenim id mirabile, in hac præparatione omnia extrema Vascula exceperunt hanc materiæ, atque rubescunt, solæ autem illæ Papillæ, ex quibus Pili nascuntur, intactæ remanserunt, atque singulari suo colore nativo albo quam distinctissimè se interstinguunt ab omnibus vicinis ruberrimisque partibus. Quid verò sentiendum sit de Papillis his in Pene, Lingua, Palpebris, aliisque partibus, postea dicam, quum in hisce investigandis omne locum subcivum tempus.

VI.

De Corde.

JUre sibi proprio Cor principatum inter cætera viscera sibi vindicare omnes fere autumant; id omninò certum habetur, multa in fabricâ ejusdem necdum satis extricata prostare; meretur itaque ex hac excellentiâ simulque obscuriore structurâ, & proprietatibus aliqua de ipso notari. Haud ita bene Anatomici situm illius, atque naturalem locum Nobis descripserunt. Licet enim in Thorace locatum illud universi asserant, quem tamen ibi obtineat situm, id verò haud ita verè depingunt. Godefridus Bidlo in magno opere Anatomico ita expressit, ac si penderet, apice conî Diaphragma, basi verò Jugulum spectante. Id animalibus, quæ natura prona finxit, commune, nunquam in corpore humano. Scilicet in eo Cor Diaphragmati ita incumbit, ut illa ejus pars, quâ id attingit, quasi incumbentis suo pondere compressa esset, quod nusquam in quadrupedibus pronis obtinet.

Con-

16 ADVERSARIA ANATOMICA.

Contra verò in hisce conî speciem figura Cordis æmulatur, quod tamen Cordi humano haud ita verè adscribere fas sit: quum forma hujus multum inde recedat, utpote curtius, atque longè compressius. Princeps inter auctores Andreas Vesalius ita hæc excudenda ut in tabulis suis curavit, ut res ipsa in homine vivente se habet. Si autem te ceperit desiderium cognoscendæ structuræ Cordis, adeas, nec pigebit; quæ, lumen clarum artis, Steno expedit. Quum enim ante eum substantiam visceris hujus exillimarent Parenchymate quodam confici, industriâ accuratissimæ indaginis detexit veram Musculi naturam ibidem adesse; demonstravit autem id ipsum adeò evidenter, ut Hippocratis sententiam firmans Musculorum quidem artificiosissimum pronunciaverit: utique finem habet ubi initium, utrumque ad basin assertum deinde fuerat omnibus receptum, omnem omninò sanguinem, qui per Coronarias Arterias fuerat ipsi Cordi datus, nullâ guttulâ exceptâ, per solam Coronariam Venam Venæ Cavæ reddi, imò & illum, qui lege circulationis ab utrâque Cordis Auriculâ redibat, unicâ etiam hacce reverti viâ. Verum ego postea clarè detexi, atque demonstravi publico, ramos quosdam Venosos ita in Auriculas patere, ut partem Venosi sanguinis exceptum ab Arteriis directo itinere instillarent Auriculæ dextræ, nunquam attactâ Venâ Cavâ, ejusve magno sinu. Sed neque novum minus fuit inventum Clarissimi Vieussens, posteaque Thebesius Eruditissimus, quum invenerant ex ipsâ Cordis substantiâ Venulas aliquas oriri, quæ sanguinem Cordis ab Arteriæ Coronariæ ramis suppeditatum patulis orificiis infunderent ipsi Cordis cavo, absque ullo in sinu Cavæ, Auriculæve cavo, diverticulo. Id ipsum sæpenumero etiam demonstra- vi. Ipseque Egregius Thebesius satis apertè faretur, dum dicit: hoc Ruyschius videtur omninò olfecisse. Verum si quem cupido trahit spectandi Vasorum Cordis sanguiferorum decursum, mirabilemque texturam, me visat, exhibebo libens non modò Arterias, quæ per exteriorem Cordis superficiem se expandunt, quantoque illæ numero se exhibeant, sed & eas, quæ per interiorem ejusdem plagam distribuuntur. Aliquot elapsi sunt jam anni, quando impense lætabar, visâ mihi exili Arteriolâ, quæ interiorem occupabat Cordis superficiem: erat quippe novi quid, quo reperto delectamur omnes.

Jam

ADVERSARIA ANATOMICA. 17

Jam verò, postquam magis hanc artem exercui, magisque demonstro cuilibet avido harum rerum spectabilem interiorum Cordis cavitatem, tot ornatam vaulculis ceraceà repletis materia, ut tota ejuldem fabrica merè contexta appareat ex sanguiferis ubique fistulis.

Id verò longè adhuc pulchrius est, quod Lacerti carnei; horumque tendines ipsi præ multitudine vatorum toti rubeant: imò verò, quod minus forte suspicari quis vellet, ipsæ illæ Valvulæ, quas dirigendò sanguinis per Cor itineri sagacissima natura dicavit, eadem hæc arte pulchrà vasculorum ditentorum hæc materia specie splendent, fulgentque.

Observe autem, Clarissime Lector, me ita injectu materia hujus ceraceæ replevisse Cordis vasa, ut, ubi illa pervenit ad extremitates omnium ultimas, tomento, arancarumque filamentis, tenuiores, vasculis egressa quasi effundatur, atque roris instar se expandat super molliusculas carneæ Cordis substantiæ fibras, easque rubicundissimo sanguinis colore tingat. Certusque crediderim id negotii eodem planè modo ita in vivo perfici homine, ut arte meà in cadavere efficio: si enim sanguis suis ubique vasis coërcitus, rectoque ex Arteriis in Venas itinere transfunderetur, absque ullà sui effusione, non posset tum nutrimentum partibus corporis nostri adferre. Denique in hisce, quæ ita præparavi, Cordibus humanis, oculis liquidò obicere queo, Vasa sanguinis, quæ transeunt per ipsa vasa sanguinea alia, ita ut & hæc ipsa per priora nutririqueant: quin etiam diversas directiones, quibus distincta hæc vasa porriguntur, dum per interiorem, exteriorem, quæ Cordis superficiem transeunt.

VII.

De Vomitu insolito.

A Nimalia quam plurima nasci, vivere, vegere, generare rurius prolem, inter alia quædam viventia animantia à seculis prioribus jam observatum fuit; dum interim sapientissimi Philosophorum vix audeant de modo oriundi certi quid proponere vel hodie. Neque est, ut quis putet solos Vermes,

C

Lum.

18 ADVERSARIA ANATOMICA.

Lumbricosve, intra homines gigni: vix credas quot species. diversas casus quandoque obtulerit, vel sedula indagatio invenerit. Cupisne cognoscere, adeas, nec poenitebit laboris, quæ Diaria Eruditorum Gallica, Acta Philoſophæcæ Britannica, Liptienſia Commentaria, Academiæ Leopoldinæ Ephemerides, exhibent, legas Diligentiffimum obſervatorum collectorum Schenkium.

Vah quam mira reperies, quam incredibilia ſpectabis! digniſſima interim eſt, & hæc hiftoriæ naturalis pars, quæ excolatur, perficiaturque. Ut ſymbolam dem, revoco hac, rariſſimum fanè animal, quod jam in Theſauro meo Anatomico ix. icone ad vivum ductà expreſſi. Ad quadrupedum pertinet genus ob numerum pedum, caudamque gerit, imò caput, & os, maxime autem Umbilicalis Funiculus ei coherens raritatem rei augent præ cæteris; integrum ſic condivi, ut in plurimos durare annos porro queat, atque ſpectari ab iis, quos trahit voluptas talis contemplationis. Aliud interim planè jam demum oblatum mihi poſſideo, quod certè limacem ſatis ſcitè refert: nonne oculi bini, forma, & magnitudo, ejusdem id docent? ut judicare queas ipſe, en, ſic Tibi aſſero, ut peritus pictor naturam ipſam ejus figurà exhibuit. Illud verò ipſum puella quatuordecim nata annos, una cum copioſo exomuit cruore hiſce ipſis diebus. Vegetum quum adhuc eſſet dono mihi dedit puellæ Parens, ſimulque adſeveravit, aliquo illud à tempore vomitus ſupervixiſſe ſpatio, veroque aliquandiu motu ſemet exercuiſſe.

Id autem facilè credes imprimis eſſe commemorandum, quod in corpore humano Vermes generentur tam diverſà formà diſcrepantes inter ſe, ita tamen differentes ab omnibus aliis in naturà rerum unquam repertis, ut nuſquam iis ſimilem illum conſpicere detur extra corpus hominis, interim horum nonnulli in plurimarum exporriguntur ulnarum longitudinem. Hos igitur natos fuiſſe in eodem corpore valdè proclive eſt cogitare. Neque nimis probabilis videri poſſet forte ſententia. Eorum, qui ex deglutiitis alium animantium ovulis productos fuiſſe putant, de quibus ſermo fuiſt, vermes.

Ille interim, quem reſectum à puellà modò deſcripſi, prodiit demum ex illà, poſtquam longo temporis ſpatio fuerat valetudinaria, ſemper de gravitate Ventriculi conqueſta prius, nunquam ſanitate fruens perfectà.

Et

Et equidem verum credulitate multorum absurdissima quæque pro veris obtrusa sæpenumero haberi & ficta, sed tamen pariter certâ fide constat prodigiis quam simillima quotidie observari, inter quæ & animalculum illud recensendum exillimo, quod colore & albo & nigro variegatum vitali motu se cognoscendum præbuit.

Magis adhuc admirationem excitat contemplatio illius animalis in homine geniti, quod in Thesauro Anatom. ix. delineatum in meo Gazophylacio spectandum prostat: quia præditum est Funiculo simili ac est Umbilicalis, quin etiam latuerat in quodam corpore non admodum dissimili à naturâ Atheromatis, quod vice Placentæ fungi videbatur, inspectio veritatem rei docet, atque testimonia ibidem annexa confirmant.

Neque interim sentiendum erit, animal illud, de quo ut prius dixeram, à puellâ deglutitum intravisse in corpus, ut forte quis arbitraretur: erat enim vivens atque vegetum, neque reptatu instar limacis se movebat, sed conatu sursum, deorsumque, exercito: evomuerat etiam cruorem prius atque simul, præterea adversâ dudum cum valetudine fuerat constituta. Neque videtur vivens in Ventriculo permanere potuisse, sed dudum mortuum, ut in plerisque advertimus animalculis, pisciculisve, qui, vivi ubi deglutiuntur, brevi moriuntur postea in hospitio vitæ sustinendæ inepto.

Cerno quidem, objici hic posse dogma hodie cunctis inconcussum habitum, de ortu omnium animalium ex ovo: verum hoc tempore id non attingo, nimis enim à meo me averteret proposito. Tu, quisquis hæc amas utilissimum tractatum perlege, quem de Vermibus conscriptum nobis dedit Expertissimus Dr. Nicolaus Andrii gallico sermone. Invenies ibi Pag. 19. Sententiam Viri esse, Vermes morbum esse corpori nostro congenitum, ipsaque, unde tandem prodeunt Vermes, Ova in nobis generari simul cum reliquis corporis nostri partibus, quæ tandem præfinito tempore fota excludant suos foetus ita, ut aliæ corporis partes humores producant quosdam ante non apparentes, aut & partes quasdam solidas. Ego etenim opinioni huic meum faciliè apponerem calculum, quia hæcenus nullam invenio, quæ ita sit ipsi veritati consentanea: Quod si probabilem magis quis norit, rogandus erit, eam ut communicare velit.

VIII.

De Monstris.

UT prodigiosa est naturæ foetura in gignendis animalculis tam variis, ita quoque varia sæpenumero deprehenditur in mutandâ partium fabricâ, dum abire videtur à fine suo, quem ipsa sibi præscripsisse visa fuit.

Ia. Inter illa primo quidem loco ordinandos puto tres diversos foetus humanos, qui nati sunt sine Cerebro, neque ullâ gaudent cavitate in Capite penitus ossæo. Horum ego binos in sceletæ construxi (tertium autem in liquore meo balsamico conservo integrum) ita, ut Nobilissimus Kerkringius in suâ eum Osteogeniâ Pag. 59. icone exactè ad vivum depinxit.

II°. Deinde satis & mirabile est, hisce adflare sceleton, cujus dextra manus atque pes dexter, digitis numerosioribus more naturæ consueto donantur: sinistri verò lateris manus atque pes iisdem abundant quoque, etenim dextra manus septem digitos, pes dexter octo possidet; sex habet sinistra cum duabus appendiculis, novem integris superbit digitis pes laevus. Vid. Pag. 55. Osteogeniæ Kerkringii, qui & ejus picturam verè dedit, itaque

*Est modus in rebus, nec semper copia didat:
Prodiga naturæ dona vel ipsa nocent.*

IIIo. Foetum etiam humanum cum binis natum capitibus inter mea reposita conservo. emi illum, sed dolui, quod qui primi eum possederant minus periti eorum, quæ ad conservanda hujusmodi rara requiruntur, male eundem condiderint, unde durus jam & omninò niger apparet.

IV°. In ove duos deprehensos Lienes, vario sitos loco, ostendo conditos.

V°. In eodem animali quondam Hepar inventum est, in quo quinque prostabant Vesiculæ fellis. Examinavi oblatum, atque repudiavi tum, quum enormis pretii exactione deterreret.

VIo.

- VI^o. Clarissimus Johannes Jacobus Rau, Professor in Academiâ Lugduno-Batavâ Celeberrimus in Osteologicis, Myologiâ, & Lithotomiâ versatissimus, quondam demonstravit nobis Arteriam ex arcuato flexu Aortæ oriundam; quem postea & ipse casum reperi, atque adhuc unicuique exhibere videndum possum.
- VII^o. Frequentissimè maximâ cum diligentia perscrutanti mirabilem membri masculi fabricam, contigit semel mihi invenire duo diversa, satis fortia involucra, totum corpus Penis humani ambientia atque coërcentia. Illud ego ipsum descripsi in Thesauro Anatom. tanquam consuetum naturæ, sed quum de industriâ in plurimis perlustratis postea non ita invenerim, petit veritatis sincerus amor, ut jam moneam plerumque unum modò tale integumentum, rarissimè duplex, adesse.
- VIII^o. Binos foetus humanos à multis jam annis asservo in balsamo, qui per abdomen inter se concreverunt.
- IX^o. Suillos etiam binos in Uterino hospitio concretos possideo.
- X^o. Quin & alium, fere bimestrem habeo foetum humanum, cujus tam superiores, quam inferiores artus, mirè tortuosi conspiciuntur.
- XI^o. In alio itidem bimestri foetu Labium superius fissum miraris.
- XII^o. Sed horrebis fere, si videris alium in musæo meo foetum humanum, cui supra Nasum appendicula est adnata instar Colis masculi.
- XIII^o. Ovis autem Caput exhibeo conditum, cui os deest, dum Oculi situm perversum obtinent.
- XIV^o. Sed vitulum Capite privatum toto, dum una modò Auricula supra Truncum, loco Capitis promineret.
- XV^o. Multâ sedulitate perscrutabar sæpe oves quam plurimas, quibus dederat natura Pedes ultra consuetum numerum, eminentes ex nucha. Nihil verò in omnibus his magis mihi visum mirabile, quam pedes hi omni semper essent Musculo destituti, illorum verò deficientium vice pinguedine erant oblitii quam plurimâ.
- XVI^o. In alio mei Armarii angulo specto portionem Placentæ Uterinæ humanæ, instructam suo Umbilicali fune; sed, mirum!

rum! pendet ab eâ foetus humani crur, cum Pede extremo, tribusque digitis.

XVII^o. Plurimos etiam ibidem adspicio foetus humanos, quorum Genitalia mirifice deformia, ut & quibus hoc vel illud abest membrum aut superest.

XVIII^o. Interim tam varios perscrutatus toties nunquam inveni Hermaphroditum verum: tamen plurimos fabulosa quæque de eo referre ubique experior. Quoscumque de hoc genere explorare mihi contigit, deprehendi Pseudo-hermaphroditos appellandos, semper enim in his Clitoridis caput, extra pudenda propendens, mentiebatur Glandem virilis membri, id verò quoties & in brutis adverti? certè dudum ex Genitalibus ovinis exemplum exhibui tale in Thesauro Anatom.

IX.

De raro Renum vitio.

Renes mirè variatà figurà conspiciuntur ab iis, qui attento lustrant oculo animalium diversorum corpora; rem cum fide descripserunt plurimi, quos inter in Zoötomia peritissimi eminent *Severinus* & *Duvernejus*, ille in Zoötomia suâ, hic in descriptione Anatomichæ brutorum. Boves, Ursi, Glires, Erinacei, Testudines, Aves, Renes possident superficie inæquali constructos, ut Malpighius in Traçtatu de Renibus dudum accuratione illi propriâ optimè docuit, idemque in posthumis evidentius probavit. Neque ignorarunt Veteres idem illud inveniri etiam in Renibus humanorum foetuum, quibus semper Renes ita fabrefactos observaverunt. Sed in adulto hominis corpore semper fere sunt polità superficie, æquabili, & glabrâ. Attamen in his quoque interdum, licet ætatis jam adeptis apicem, talis inæqualis, atque ex variis quasi partibus coalescens, Renum facies videtur. Vid. Malpigh. in posthum. pag. 35. Epistol. ad Spon. x. memorabile autem est id, quod bis jam mihi fas fuit observare: scilicet Renes adultorum, ubi facti sunt ut in foetibus, non modò exhibere ludentis quasi naturæ errorem, imò verò morbos excitare quam atro-

atrocissimos, atque post cruciatus sævos tandem & lethales. Primum rei autem mihi inauditæ exemplum dedit matura Virgo, quæ in Amstelodamensi degebat Orphanotrophio. Misera hæc à longo jam tempore exquisitis adeò, & intolerabilibus torquebatur doloribus circa regionem Renum, ut inef. fabile sit. Accedebant ad accessiones crudelissimorum paroxysmorum mictus sanguinei sæpe redeunt. Offerebatur quidem in levamen, quid ars invenire poterat consilii & remedii. Sed proderat nihil! Igitur omni destituta ope, penitusque confecta excruciationibus in solà morte lenimen reperit, avidoque causæ mihi cadaver inspiciendum exhibuit. Quid verò hic expectares mi Lector? credo id ipsum, quod nos omnes lapidem scilicet in Renibus asperum atque hispidum. Nos verò inciso cadavere hujus nihil, ne arenulas quidem, invenimus: sed erat huic utriusque Renis superficies inæqualis omninò, & repræsentabat faciem ex multis particulis durioribus coagmentatam. Postea, quum semper mecum mirari casum hunc pergeret animus, alium novi Virum adultum, luctabatur miserimus hic cum dolore lumbari intolerabili, sæpenuerò redeunte: semperque acutius infestante, unà cum copiosissimi sanguinis mictu. Medici ad arduum casum implorabantur plurimi, omnes hi tractare morbum ut à calculo Renes obsidente aspero, omnes sic censuere, hos inter & ego ipse fui cum filio meo. Neque juverunt interim ægrum omnia, quæ Medicorum ex præscripto promptus hausit, remedia. Sed parifato victus moritur. Inspeimus simul cadaver, atque invenimus exquisitè eandem Renum structuram, ut in illà puellà, sine calculo ullo vel sabulo. Genuino hoc miserandi morbi exemplo didici calamitosam humani generis conditionem, causasque malorum imperscrutabiles sæpe & omninò insanabiles, licet cognoscerentur. Quæ verò in hac re sit causa symptomatum Physica, Tu inquire, Medice! forte reperies, licet lateat, neque Te forsitan medendi fugiet methodus, si modò miri accidentis ratio Te non fefellerit. Felix, si inveneris! Laudandus, si inquisiveris!

X.

*De pulchrâ curatione morbi Oesophagici semper
pro incurabili habiti.*

INter omnes corporis partes, quæ instantur morbis difficillimæ curationis, haud infimum locum occupant, imò familiam ducunt illæ, per quas necessaria corpori ingeruntur, aut superflua foras eliminantur. Inter illas ad incudem revocabo Oesophagi affectum, quo deglutitio depravatur, & tandem non raro aboletur, ita ut in tali statu moriendum sit ægro. Deglutitio frequentissimè quidem impeditur propter Tonsillas inflammatas, & tumefactas; enim verò de hoc affectu hic non loquor, qui curatu facilis, neque etiam de Angina, multò minus, de rebus deglutitis, puta aciculis &c. quibus adde Atoniam vel Paralyfin fibrarum musculosarum Oesophagi, sed verò de Oesophagi angustatione profundius sita, forsàn à tumore quodam, vel contractione orta, cujus discretio facilis est à cæteris supradictis, nam spongiâ balanæ affixâ, oleoque saturatâ, introductionem in Stomachum prorsus impiediet: si autem affectus consistat in Paralyfi fibrarum musculosarum Oesophagi, spongia facile admittetur, à tumore in vel à latere Gulæ suborto, illud digitis extrinsecus sentiri, & explorari potest. Præterea in Angina affectus cito oritur, & brevi cursu absolvit, respirandi difficultas summa, febris, lingua sicca in propatulo sunt, & si paucis post horis non curantur, & morbus remediis sit superior, homines subito è medio tolluntur.

Ut de hac parte corporis pauca hæc inter mea animadversaria inferere voluerim, occasionem mihi dedit Vir Amplissimus, & in arte Medicâ, & Chirurgicâ Expertissimus D. Johannes Mennes, Physicus & Consul Civitatis Hulsii, qui me in consilium vocavit super hac re, & quid faciendum in hoc affectu, an ptialismus instituendus esset, nec ne? cum autem calculum apposuissem, nec alienus essem ab hoc auxilio tentando, convenit quoque Industrissimum, & in Arte Medicâ Versatissimum Professore Boerhaviu, & alios, quibus in consilium vocatis, instituit curam, felicissimo cum successu;
ita-

itaque ab illo petii, ut mihi communicare vellet, quid singulis diebus exhibuerat, quidque de die in diem observaverat, id quod fecit, & hoc L. B. in commune bonum communicare volui, vide sis relationem integram, & sinceram, ita se habet ut Ipse ad me conscriptam dedit, ne verbulo mutato.

*Clarissime Vir, Decus Batavorum in Anatomicis
Excellentissimum.*

FAvente summo Numinis Flamine, multa ex alto Democraticis puteo eruta sunt abscondita, tum rariora, tum inaudita, in quibus eruendis indefessus sexagenarius tuus labor, benedictâ manu, palmam omnibus, Clarissime Vir, me iudice, in palæstrâ hujus studii militantibus præripuit laureatam; Quo per omnes Germaniæ, Italiæque oras, laurea indefessi & exantlati laboris ac perennis encomii suspensa est, quo omnes è Galliâ advenæ, quo ex Angliâ novitatis cupidi, quasi ad aram vestræ scientiæ, à die in diem catervatim, summâ cum admiratione sollicitantur. Quo novitatis ac desiderii pruritu, diu anxie correpto, occasio ad scopum monstravit viam, cum literis repetitis vocarer, desiderio flagrantem, à Domino quodam Groningæ Thesaurario, ut manus medelasque adhiberem statui ejus morbifico deplorato. Casus positivus morbi cum videretur mihi rarissimus, cum appulerim Amstelodamum, Consilium institui medicum, Celebriorumque Chirurgorum, aperui Tibi quoque Clarissimo casum, detexi susceptam methodi Curam, interrogando, an aliam nosceres eripiendi ac salvandi viam, in salutem proximi, in ipsam artis communis laudem mihi benignè ac candidè patefaceres, agnovisti notatâ manu casum rarissimum, chyrographâ obliquastî conamen instituti mei respectu partis affectæ, respectu causæ procatharticæ, ac curæ ipsius absolvendæ. Quâ medendi methodo noster præpositus æger non tantum à morbo, sed etiam à symptomatibus est liberatus, summo Triunius adjutorio; Qualem medendi successum in itinere redux Vestro patefecî desiderio, ulterius debitor promissi sum factus dati, ut totam vobis quasi stylo delinearem institutam ac peractam Curam,

D

dia.

diariumque explicarem notatum, fortunatiusque exhibitæ medicinæ successus, tum ut enodarem symptomata, tempore Curæ incidentia. Fateor me ad hunc usque diem fuisse debitorum promissi dati; verum fonticæ rationes locum cum faciant excusationis, impeditus tum fui curâ multorum sub manu decumbentium, tum officio Consulatus hujus urbis, usque ad hunc diem, ubi remissio obruti laboris me suadet persolvere debitum. Casus igitur vestræ observantiæ propositus fuit sequens.

Casus.

Vir triginta annorum natus, genere & prosapia clarus antea tres corripiebatur annos, tum obstructione Glandularum, quæ Tonsillæ dictæ, tum relaxatione Uvulæ, tum inflammatione faucium, tum hæmorrhoidum cæcarum doloribus, tum earum fluxu notabili, quæ symptomata quidem diligentia Medicorum, medelisque appropriatis depellebantur; Verum continua renovantium caterva symptomatum, uti Tussis ferina, Hæmorrhoides, Catharri suffocativi natales non tantum producebant prodigiosiores, verum secum ducentes summam æsophagi coarctationem circa quintam & sextam Colli vertebra, à die in diem accrescendo deglutionem impredientem, usque eò, ut nisi summâ cum molestiâ, summo deglutionis conamine, solum modo fluida, attamen anxie, assumere potuerit nutrimenta, continuò in pejus vergentem; Ob metum diurnum suffocationis, esurino ac jejuno ventriculo, promptas ac auxiliatrices lachrymæ abundus petiit manus medicas.

Pars Affecta.

Partem affectam existimabam & ponebam latitare in tunica glandulosa æsophagi aliisque faucium gutturisque glandulis, præprimis circa quintam aut sextam colli vertebra, ubi tres illæ notabiles glandulæ, necum à Domino Verheyen observatæ, ac destinatæ ad humectandam in deglutione gulatæ; ad hæc quoque symptomaticè tunica musculosa fore affectata.

Diagnos.

Diagnosin enodare non necessariò judicabam, cum signa partem affectam denotantia in præputulo essent.

Pro-

Prognosis.

Ex praxi notum, hic casus non tantum in curatione gravissimus, sed omnino desperatus ac conclamatus, propter viam ad fumendum debitum nutrimentum, medicaminave occlusam, ad hæc, ubi omnis Chirurgiæ operatio hic nimis curta, vana ac planè manca.

Causa.

Causam procatharticam, examinatis examinandis, ponebam in dispositione scorbuticâ, (sapienti sat est,) in sero acri, quale serum scimus à sanguine sequestrari per glandulas totius corporis machinæ, ut quoque hisce supra nominatis ac in gula sive æsophago, fungositatē ad molem & coarctationem excretis.

Cura.

Curam ore pleno statuebam, examinatis examinandis periculosam planeque ancipitem; verum quoniam melius est adhibere dubiosam quam patientem deplorandum inevitabiliter & miserrimè committere sepulchro ac dimittere cymbæ Charontis frangiferæ, & ultimum remedium cum sit tutissimum; Tum ponebam à praxi doctus multiplici, unam eripiendi ac salvandi methodum, consistentem in depresso & accurato pyralismo in principio, & postea levi lentâ salivatione; Hæc peractâ sudoriferis ex mineralibus propinatis, balneisque associatis; Et post hæc internè instrumentis debitis ad partem affectam applicatis; ad quæ conducunt deobturantia, consummentia & consolidantia.

Approbatio.

Nos infra scripti artis scientiæque periti, ad casum propositum in Consilium vocati, examinis lance casum supra propositum trutinavimus, methodum à peritissimo Viro Johanne Mennes, Doctore Celeberrimo, curandi unicam propositam hisce agnoscimus, institutum tanquam unicum ac salutare pronuntiamus remedium.

Hæc inter nonnullos Vestra, Excellentissime Vir, fuit appro-

probatio. Itinere absoluto suscepto, visitavi Groningæ nostrum ægrum, qui desiderio adventus mei emaciatus, extensis brachiis lachrymabundus excipiebat me sospitatorem, die Aprilis secundo, illicò tentavi œsophagum spinâ balenæ, cujus extremitas exornata fuit spongiâ, oleo obliuâ, quo tentamine perſentiebam circa quintam aut sextam colli vertebram, obſtaculum tale impermeabile, ut descendere nequirem, ad ulteriorem descensum, quo scrutinio talem circularem percepi coarctationem, ut ne quidem apice spongiæ permeare possem. Post duas horas propinavi iuleculum limpidius, quod sumere, etiam sic cochleatim, non poterat, nisi summo deglutitionis conamine, imò ut sex vel septem deglutitionis probamina ac tentamina facere necesse esset, summâ cum tumefactione ac rubore faciei. Circa guttura, faucesque omnes inveni partes solidas, naturales, nisi ut Tonſor quidam relaxatam decurtaverat forſice Uvulam, quam inveni nunc nodosam, Tonſillæ erant inflammatae, neque notabiliter tumefactæ, sed induratae; inveni ægrum melancholicum, emaciatum, colore pallidore ac planè lurido, quo non tantum turbabatur facies, sed rugæ faciei incrementum turpitudinis ac deformitatis majus dabant. Examinavi sedulò vitæ ante actæ genus ac diætæ an unquam inciderit in Veneris lascivæ scyllam, aut Bacchi Charibdim, sanctè mihi confessionem dabat, nunquam aliqua Veneris notâ aut stigmate correptum fuisse, imò nunquam in palæstrâ Veneris luisse, nisi cum sanâ ante annum nupta. Hisce pro Medici necessitate examinatis, gressum ulterio-
ris examinis extendi, quæ & quanta adhibita fuerint pro diversa Medicorum intentione medicamina, percepi nostrum ægrum omnibus Medicorum & Chirurgorum conatibus instar mactandæ Ovis placidè se submisſisse; inter qualia curandi ac applicati conamina, aliquod junioris Medici inveni inauditum, quod narratum spero Vobis non fore ingratum. Noster æger instar desperabundi relictus, tum à Medicis, tum à Chirurgis, omnia ab agyrtis & anilibus consiliis venalia propoſita, ac verborum popinâ prolata, applicabat, sine ullo reconvalescentiæ successu, contigit ut. Novelletus in medicina Tyro, jam jam Doctor apud, ac Academicis studiis tumidus, rumorem civitatis spargeret, sese infallibiliter nostrum ægrum curaturum, si modo patiens huic fidem daret. Qua promissionis

lionis securitate datâ accessit ægro nostro, fecit ac appaïcavit turundam grandiore latitudine aperturæ œsophagi, longitudine spiritami, quam oblitam intrudebat unguento quodam, quæ turunda fræno alligata erat auribus, ne descenderet in ventriculum, in qua tristis positurâ noster æger, noster patiens instar omnium patientissimus, per quatuordecim dies ac noctes gembundus instar summi captivi detentus, sine ullâ de hac poenâ, requie aut remissione, nisi ut sumeret summâ cum anxietate jusculum limpidum; per nares respirationi tantum via erat patula, interim vana hujus Acadêmici Candidati erant instituta risu ac cachinno persolvenda. Ad hæc legi omnes ab ægro nostro sollicitas Doctorum expertorumque consultationes, inveni, perlegi ac percepi, unam à Domino Boerhaven Lugduni Professore transmissam, ad scopum curationis nostrum tendentem ac collimantem; hac Consultatione, cum vestra conjunctâ stipatâ, divino destinatam ac propositam adjutorio incepti curam, nempe primò correctis corrigendis, per pyralissimum hoc peracto, per plenam salivationem: Quâ absolutâ, gulæ coarctatio non tantum deleta, sed totum œsophagi obstaculum depulsum est, ut ante nominato ac dicto instrumeto non tantum liberrimè, sed sine minimo incommodo aut obstaculo ad ipsum descendere poturim Ventriculi Orificium. Quamvis omnia secundum veras medicinæ regulas instituta, quamvis ex voto & probamine omnia successerint, ut nullum in deglutitione amplius obstaculum, attamen noster æger consuetudine mali ac susceptis præjudiciis ita obsessus, ut nollet credere absolutam esse curam, obstaculum, ac remoram esse planè remotam, quare à die in diem spinâ Balenæ, spongiâ exornatâ, usque ad orificium ventriculi plenarium tentamen interim confessorium dedi, tam ad tollenda mali reliqui præjudicia, quam ut conceptas ac meticulosas deponeret cogitationes, undè quidem certior factus, verum solida in principio non ausus sumere nutrimenta præ metu suffocationis imaginariæ. Quare præscripti illius loci commune aliquod pulmentum, quod præparatur è farinâ secalinâ & aquâ fontana diu concoquendo, vulgò *roggen doljes*, illic dicitur optimi nutrimenti, facilisque concoctionis, de quo pulmento, bis, tum ter de die, cum lacte fumebat non tantum scutellam unius pintæ plenam, verum, ut dicitur, *een goede Spoel-comme volen*

een Spoel-comme melk. Quibus deglutitis, gavisus ille non tantum, sed ego summopere, usque dum, ut fumeret solida cujus-
cunque generis nutrimenta infarcienda, donec nialo depulso, præjudiciis deletis se curatum esse affirmabat. Quam perfectam curam; vestro non tantum dignam ingenio, judicavi transmittendam; verum ut solverem promissi mei penſum, in tesseram nostræ amicitiae noviter contractæ, adjungo accuratum tractatæ curæ Diarium, conditione petitoria, si qua vobis talia in Curâ medicâ sunt rariora occurrentia, aequali manu benignâ mihi velitis concedere, tum ad stabilimentum nostræ communis scientiæ, quam in salutem pretiosam proximorum. In quam fidem & amicitiae spem permanſurus, quifum indefessus, Clarissime Vir,

Vestræ Observantiæ

Additissimus

Huſſi die 19. Octob.
1716.

JOHANNES MENNES
Physicus & Consul Urbis.

Diarium

Diarium Curæ habitæ.

ANte meum adventum, transmissi præscriptionem alicujus decocti, quo usu, humorum correctio, pro intentione absoluta est, præparatis præparandis, quoad patientem, quoad locum: Incepi curam adjuvatrice Dei dextra, summoque Numinis flamine.

1716.

April.

6. Exhibui Mercuriale purgans, quo sex levissimas pro mea intentione habuit sedes, levamine desiderato.

Circa vesperam propinavi sudoriferum ex mineralibus, id est, Antimoniatis & mercurialibus propinatum, effectu desiderato, ut per totam maduerit noctem sudore debito.

7. Exhibui alicujus præparati gr. V. E. connubio mercurii & antimonii, effectu, ut multum viscidæ per vomitum ejecerit materiæ, & duas habuerit sedes, sine aliquo turbido conamine aut dolore.

Circa Vesperam repetitam prædicti compositi exhibui Dosis, quâ tres habuit sedes.

8. Exhibui gr. V. quibus secutæ sunt quatuor sedes dolore ac ardore aliquo intestini recti, æque in collo vesicæ.

Circa Vesperam repetitâ exhibitâ dosi, subsecutus est tenesmus, verum ejectione viscidæ materiæ perquam acerrimæ.

9. Manè non tantum rei speculator fui, quoniam persentiebam oris foetorem fragrantissimum. Verum

Circa Vesperam exhibui gr. V. sine ullâ materiæ ejectione, aut per sedes, aut per vomitum, sed patiens totam urinæ plenam reddidit matulam particulis acrioribus salinosis scintillantibus, foetore fragrantissimo ac hircino, colore rubicundo, quibus ejectis circa noctem subsecutus est ptyalismus.

10. Dedi gr. V. subsecutus est vomitus ejectione multum viscidæ materiæ, sine sede, sed odore fragrantissimo, cum magnâ Urinæ quantitate ut antea.

11. Exhi-

32 *ADVERSARIA ANATOMICA*

11. Exhibui gr. X. quoniam salivatio in æquilibrio quasi flaret, cum summâ circa partem affectam coarctatione, suffocationis metu, propter viscidam materiam ad motum difficiliorem illic stagnantem, quoniam limpida tantum eliminabatur materia.
12. Omni meui depulso, salivatio incipiebat, omisi igitur internè medicamina: Externè applicabam quæ erant conducibilia, ad attenuanda viscida incidenda, dissolvenda, ac aperienda. Interim patiens in loco detinebatur admodum calido, ut semper sudores sentiret debitos. Quo die inconceptibilem viscidam ac tenacissimam per salivationem ejecit materiam, odore fragrantissimam, apud artis filios puitam albam dictam, interim sine ullo incidente symptomate aut sede.
13. Tantum speculator fui, quoniam omnia ex voto succedebant.
14. Remanente viscida materiâ, coactus fui exhibere gr. V. pro incitamento, sine vomitu, sine sede, sine urina, sed cum sudore & viscidæ materiæ debitâ salivatione.
15. Repetitam exhibui dosin gr. VI. cum successu debitæ salivationis, sine sede, sine vomitu, sed cum sudore ac urina turbulentâ.
16. Speculator fui, sine vomitu, sine sede, sed cum sudore & urina turbidâ.
17. Speculator fui, nulla fuit sedes, nullus vomitus, aut urina, sed sudor fuit debitus, salivatio ex voto.
18. Speculator fui, salivatio ex voto, sudor debitus, urina nulla, sine sede & vomitu.
19. Speculator fui, quoniam omnia ex voto uti antea, odor autem qui fragrantissimus nunc mutabatur, factus depuratus ac limpidior totâ materiâ eliminatâ.
20. Speculator fui, sine vomitu, sine sede, sine ullo symptomate; salivatio non tantum ex voto; verum urina, quæ aut antea turbida, nunc clarius, ac odore violaceo induta reddebatur, boni ominis.
21. Ad majorem intentionis securitatem instar Cælis Venatici exhibui gr. IV. ad rufandum an aliquid in his aut illis latibulis latitaret; mali. Effectu mirabundo; nam subsecuta est urina clara, debito ac naturali odore ac colore

colore per salivationem emissâ tantum limpidissima materia sine foetore ullo aut odore, nunc, ubi per totum salivationis curriculum nullum habuerit somnum, placidè dormivit, quasi somno sepultus per totam noctem: manè expergefactus hilari refocillatoque animo, esurino stomacho salutavit accedentes.

22. Speculator fui omnium ad melius.
23. Iterum pro Indagatore dedi gr. III; undè certior factus omne malum planè esse eliminatum, saliva limpidâ, urina debita, sine ullo odore manifesto, quare
24. Exhibui præscriptum Emollientis Enematis, quoniam per totum salivationis curriculum, nihil excrementi per alvum deposuerat, interim sine successu prospero. Quare
25. Infusionem dedi laxantem, quâ laxam accepit alvum satisfactoriam, sine ullo dolore aut gravamine.
26. Ad majorem securitatem iterum dedi gr. IV, sine ullo alio effectû, nisi ut excitaret sudorem debitum, quo gavissus malam eliminatam esse materiam.
27. Per totam benè dormivit noctem, jussula jejuno cepit ventriculo; igitur pro illiniendo collo præscripti sequens Linimentum. R. Ung. pomati ʒiſs. ol. succini albi ʒij. Lavendulæ ʒiſs Nuc. Mosch. exp. ʒj. ol. spicæ Nard. Indic. ʒj. F. Linimentum. Externè ad focum collum obliniendum.
28. Exhibui purgans debito successu.
29. Exhibui Laxativum cum successu ad restituendum pedetentim motum peristalticum.
30. Præscripti pulmentum antea nominatum.

Mayo.

1. Quoniam alvus constricta, iterum præscripti purgans ut antea, nullo cum successu, quare enema cum successu institutum est.

2. Institui Curam Lacteam per ostiduum.

Tum porrò per decocta, ac balnea sicca appuli ad scopum curæ præpositum.


12. Spongiâ, spinâ Balenæ exornatâ tentamen circa œsophagi obstaculum institui, descensum sine ullâ remorâ feci ad ipsum ventriculi orificium, quotidie oleo quodam

E

illi-

34 *ADVERSARIA ANATOMICA.*

illinità repetitionem peregi ; Undè certior factus curam Dei gratià absolutam esse, quare sanus ad hoc usque tempus noster antea deplorabundus à me relictus est patiens ; de Quo, literis heri acceptis, certior factus sum.



E X.

EXPLICATIO FIGURARUM.

TABULA I.

Fig. I.

- A. *Ren Humanus.*
- B. *Pelvis.*
- C. *Vena Renalis.*
- D. *Superficies Renis inæqualis.*
- E. *Ramus Arteriæ Renalis.*

Fig. II.

- A. *Uterus mulieris gravida.*
- B. *Os Uteri.*
- C. *Apertura cultro facta.*
- D. *Ligamenta teretia, rotunda vulgò dicta.*
- E. *Ova non sæcundata.*
- F. *Ovarium cultro apertum, ut Ovum sæcundatum in conspectum veniret: hujus facies exterior albicans, Calyx nuncupatur Graafio, interior verò, seu contentum coloris est cinerei, id quod sculptor studio nigrum fecit, ut à calyce diversum esset colore.*
- G. *Ductus Ovarii fimbriæ.*
- H. *Ductus Ovarii, seu TUBE Fallopiæ.*

TABULA II.

Fig. I.

- A. A. *Dextri Ventriculi Cordis in planum expansi facies interior, ex juvene.*
- B. *Vascula sanguinea tenuissima repleta ceraceâ materiâ rubrâ, quæ tanto sunt numero, uti dicta facies videatur ex meris Vasculis sanguineis constituta.*

Fig. II.


- A. *Sinistri Ventriculi Cordis in planum expansi facies interior.*
- B. B. *Vascula sanguinea, quæ non solum per carneam substantiam, verum etiam Chordas, Valvulas, & Lacertarum tendines numerosissime sunt disseminata, ita ut Cor rubicundissimo colore undique superbiat.*


Fig. III. *Uterus humanus semine virili saturatus. vid. Histor. Fol. 2.*

- A. *Portio Vaginæ.*
- B. *Ejus cavitas.*
- C. *Uteri fundus.*
- D. D. *Ovi ductus semine virili quoque repletus, idque in utroque laterè.*
- E. *Apertio uteri cultro facta, uti ejus cavitas, ut & semen jam à liquore induratum, in conspectum veniant.*
- F. *Fimbriæ Ductus Ovarii.*

Fig. IV.

- A. *Animalculum vomitu rejectum. Limaci æmulum. vid. Fol. 18.*
- B. *Tuberculum in later e situm.*
- C. *Capitulo analogum.*







MICHAELIS ERNESTI
ET TMULLERI,

*Phil. & Med. Doct. in Academia Lipsensi Anat.
& Chir. P. P. Extraord. Facult. Med. Adfessoris,
& Naturæ Curiosorum Collegæ*

EPISTOLA
PROBLEMATICA,

Ad Virum Clarissimum

FREDERICUM RUYSCHIIUM

M. D. Anatomie & Botanices Professore,

DE

OVARIO NOVO.



AMSTELÆDAMI,

Apud JANSSONIOWAESBERGIOS, 1729.

Clarissime & Experientissime

V I R.



Uas denuo pulso fores, cujus cognita satis atque perspecta est in admittendis, non minus quam benevolè excipiendis quibuscvis discere cupientibus promptitudo. De Cortice Cerebri Tecum ante hos 14 annos agere, benignè permisisti; jam a Cælo ad Terram Microcosmi, a summa ad imam corporis partem me confero. Uterus scilicet in scenam jam producendus est, ad quem serenum, ut soles, *Vir Clarissime*, vultum convertere ne dedigneris, obnixè rogo.

In generationis negotio, utut summo adhuc mysterio, à Recentioribus tantum non omnibus creditum hætenus fuisse, nosli, sub fœcundo coitu sive ipsum semen virile, sive auram solummodo ejus genitalem per vaginam in uterum immissam ex hoc vel mediante sanguinis circulo, vel immediatè per tubas Fallopianas ad ovarium seu testiculos muliebres penetrare, ibidemque unum alterumque ovulum actuare seu imprægnare. Ante 7 annos vero Dissertationem conscripsit hic loci Dominus D. MARTINUS NABOTH, Vir in secandi arte peritissimus; in qua commune hoc assertum non solum labefactare, quin & novum illudque verum se invenisse ovarium dicit. Ut igitur distinctè rem proponam, quomodo Medici suum hætenus invenerint ovarium, primum narrabo; hinc quomodo Dominus Dr. NABOTH hoc ipsum destruere, novumque ei substituere conatus sit, exponam; tum pro quo Veteres æque ac Recentiores ovulum hoc Nabothianum habuerint, edisseram; ac denique quo applausu hætenus novum hoc ovarium fuerit exceptum, palam faciam.

Communis Veterum erat distinctio inter animalia Ovipara & Vivipara: quibus ultimis quoniam genus humanum accensebatur, non solliciti erant Medici de ovis humanis investigandis. Ex quo vero HARVEUS ductu FABRICII ab AQUAPENDENTE, hanc distinctionem ad exclusionem tantum, non vero ad primam formationem foetuum esse restringendam, docuerat, omnia omnino

A 2

anima-

animalia ex ovo nasci adfluxerat, atque analogiam inter pennatorum aliorumque animalium ova ostenderat, nullus non humana ova investigandi omnes animi nervos intendebat. Primus tamen omnium JOHANNES van HORNE in *Epistola de Genitalibus* Anno 1668. quod est ovarium in oviparis, testes esse muliebres, disertè enuntiabat, utpote qui perfectà ova intra se contineant, humore scatentia, & pellicula propria circumcincta. Quem sequebatur NICOLAUS STENO in *Elementorum Myologie Specimine*, & JOHANNES SWAMMERDAMMIUS in *Miraculo Naturæ*, atque REGNERUS de GRAAF de *Mulierum organis generationi inservientibus*, alique successu temporis plures. Quamquam primam hujus inventionis gloriam CAROLUS DRELINCURTIUS in *Lucubrationibus Historicis & Physicis de Fœminarum ovibus* sibi tribuere maluerit. In qua sententia eò magis confirmabantur, cum THEODORUS KERCKRINGIUS Anno 1671. in *Anthropogeniæ Ichnographia* foetus humani rudimenta in illis ovulis inveniri demonstraret, & foetus trium aut quatuor dierum, quindecim dierum, trium septimanarum, unius mensis, & sex hebdomadum ex illis ante oculos posuisset. Ex quo denique Dominus de S. MAURICE in *Epistola ad Dominum de la Clossure* Anno 1682. Pariliis perfectum foetum in dextro ovario post matris mortem se vidisse testabatur, testiculos muliebres genuina continere ovula, à nullo Medicorum negatum iri, omnes confidebant.

Negavit tamen id ipsum Dominus D. NABOTH, cujus mentem ut plenius assequaris, *Vir Clarissime*, haud ægrè feres, spero, quod ipsissima ejus verba ex supra laudatæ Disputationis §. XI. XII. & XIV. allegem. Sunt autem lista hujus valoris: §. XI. „ Quoniam varia obitant, cur in testium vesiculis, veluti ovulis „ veris, conceptionem haud fieri mihi persuadeam, è diverso al- „ liud ovarium genuinius in utero ipso vidisse visus mihi fuerim, „ veniam merebor, si morbos tubarum & testiculorum, non ve- „ rò ovarii novi, sterilitatis inter causas neglexero. Conceptio- „ nem namque fieri posse absque ullius in testiculis fœmineis vesi- „ culæ subsidio, docent eæ mulieres, quæ conceperunt atque pe- „ pererunt, vesiculis tamen omnibus in testibus caruerunt. Pre- „ voco primum ad puerperam à Domino D. JOHANNES CHRIS- „ TIANO SCHAMBERGIO, Professore in hac Academia su- „ perioribus annis celeberrimo Anno 1703. Mense Decembri dif- „ festam

„sectam, cum mox a partu difficili vitam cum morte commutaf-
 „set, In hac, abdomine inciso, ingens statim in oculos incurre-
 „bat testium moles, ordinarium quadruplo exsuperans, atque
 „intra se non vesiculas & glandulas, sed multam pinguedinem
 „cum pilis intermixtis comprehendens: pilorum alii erant longio-
 „res, longitudinem digiti adæquantes, alii breviores, in extre-
 „mitate una radicem, in altera cuspidem inftar perfectorum pi-
 „lorum obtinentes, nulli tamen tunicæ, sed soli pinguedini in-
 „hærentes. Provoco dein ad fœminas, quæ liberorum extite-
 „runt mères, etiam si testes habuerint scirrhosos & omnibus ve-
 „siculis vacuos. Sic Anno 1701. multis Medicinæ studiosis præ-
 „sentibus, fœminam 34. annorum dissecui, cujus uterque testis,
 „magnitudine fere pugni, totus cernebatur scirrhosus, nequicquam
 „velicularum vel glandularum exhibens, sed inftar cartilaginis
 „fere se habens. Sic in fœmina honesta, 36. ætatis annum a-
 „gente d. 29. Jul. Anno 1704. incisa, uterque pariter testis pomi
 „majoris magnitudine superficiem satis inæqualem, & ex viginti
 „quatuor nucibus avellanis coagmentatum ostendebat, nec alia cor-
 „puscula substantiæ perquam duræ ac firmæ cartilagineæ internam
 „eorum molem constituebant.

§. XII. „Tubas vero Fallopianas nec semini virili ad testes, nec
 „ovulo etiam ab hisce ad uterum transferendo inservire, facile
 „comprobabant fœminæ omnes, quarum post partum & obitum,
 „tum ab aliis, tum à me apertarum, tubas cum testibus strictis-
 „sime coaluisse, aliquoties observavi. Comprobabant idem non
 „minus canes fœmellæ, quæ feliciter fœtus conceperunt, con-
 „ceptosque ediderunt, postquam tubæ Fallopianæ juxta ornamen-
 „ta foliacea utrinque ante congressum ita constrictæ essent, ut
 „sic latera ipsarum successive potuerint coalescere. De novo au-
 „tem ovario cogitando ansam præbuit Anatomia publica, quam
 „ex speciali mandato Electorali Experientissimus JOHANNES
 „FRIDERICUS ORTLOB, Anat. & Chir. Prof. Extraord.
 „(nunc beatus) Anno 1694. Mense Januario administrabat. Etenim
 „cum viscerum præparatio mihi concederetur, inter reliquas par-
 „tes corporis cervicem uteri teretem, crassum atque exterius con-
 „tactu durum & turgidum, interius vero, cum enuinciderem,
 „velicularum sive ovulorum plenum ita observare contigit, ut
 „ovula ipsa multum pariter turgerent, atque duritiem externam
 „cervicis formarent, humorem continentes, qui coctione levi

„concreveret. Quales vetulas, pro ovulis genuinis a me re-
 „putatas, etiam postmodum in quamplurimis sexus sequioris ca-
 „daveribus tum publicè, tum privatim & hic & Halæ Magde-
 „burgicæ dissectis non solum annotavi, sed & Domino D. FRI-
 „DERICO HOFMANNO, Consiliario & Archiatro Regio-
 „Prussico ac Prof. Publ. Medicinæ Primario in Academia Fri-
 „dericiana celeberrimo, Domino D. JOHANNI WILHELMO
 „PAULI, Anat. & Chirurg. Prof. Publ. in Academia Lipsiensi
 „celeberrimo, Domino D. JOHANNI CHRISTIANO
 „SCHAMBERGIO, Lipsiæ quondam Anat. & Chirurg. Prof.
 „Publ. celeberrimo, multisque Medicinæ alumnis demonstravi,
 „Ovarii siquidem muliebris novi nominæ nihil aliud intelligo,
 „quam vesicularum, seu verorum ovulorum, in cervice compri-
 „mis uteri, conceptioni quam maximè destinatarum conge-
 „riem.

§. XIV. „Ovarium siquidem novum in commodo deprehen-
 „ditur loco, in ipsa videlicet, prout jam indigitatum, cervicis
 „uteri superficie interna, quam omnem fere ad infimam usque
 „cavitatis fundi uterini partem occupat, egregiè imprimis vesicu-
 „lis in foemellis viro maturis turgens. Aliquando tamen vesicu-
 „læ etiam nonnullæ limbum sive circulum orificii interni, quo
 „cum vaginam respicit, excurrunt interdum, licet rarius in cavi-
 „tate quoque fundi uterini una vel altera occurrat. Et licet ova-
 „rium tale sit simplex, subinde nihilominus in circumferentia cer-
 „vicis interna fere instar binarum arbuscularum cum ramulis ex-
 „panfarum atque fructibus conspicitur. Cujuslibet vesiculæ figu-
 „ram rotundam seu ovalem quodammodo præ se ferentis, pars
 „tertia circiter extra internam cervicis uterinæ superficiem promi-
 „net, duæ vero partes substantiæ cervicis immerguntur, cum
 „eadem veluti continuatæ. Magnitudine non minus ac numero
 „vesiculæ dictæ satis variant, dum earum aliæ pisum majus, aliæ
 „minus, nonnullæ semen cannabis, plures grana milii, magnitu-
 „dine æmulantur; in subjectis junioribus vesiculas plures & mi-
 „niores, in natu majoribus majores & germen promptius, in senio-
 „ribus easdem pauciores videre licuit. Propter vesicularum au-
 „tem protuberantiam æque ac propter fibrosam sive cellulosam
 „cervicis figuram non potest non ovarium integrum apparere in-
 „æquale.

Omne

Omnem interim Anatomicorum conspectum non effugerunt hætenus hæc corpuscula Nabothiana, modo ipsis tam felicibus esse licuerit, ut pro ovulis illa habuerint. Sic primo loco REGNERUS de GRAAF loc. cit. cap. 8. *Notandum, inquit, hic in uteri collo inter rugas seu fibras potius sæpenumero hydatides diversæ magnitudinis reperiri.* Post eum audiendus est Dominus des NOUES, qui in ZODIACI MEDICO-GALLICI ANNO III. pag. 20. sqq. hæc habet verba: *A me observatum est, uteri illam partem, quæ in vaginam desinit, vocaturque orificium internum, non modo structuram obtinere eo modo conformatam; ut masculino semini introitum facilem concedat conceptionis tempore, concepto sætis tempore partus exitum permissura, ac præterea, si ita lubet, sanguini menstruo, id quod ab Anatomicis omnibus est proditum; sed & etiamnum ideo constitutam esse, ut conceptaculi vicem præbeat speciei singulari materiei spermaticæ, quam necessitatis tempore eundem in locum effundat, in quem effunditur coitus tempore semen masculinum.*

Observationem hanc consecutus sum mediantibus tribus ex ordine dissectionibus trium cadaverum muliebrum; rei veritatem confirmantibus, atque has ideo exhibeo circumstantias:

I. Mediocri facta expressione prædicti orificii illius membrana exterior variis in locis inequaliter turgebat, effingens quosdam tumores subrotundos.

II. Fortiori adhibita compressione materia prædicta gustatim prodibat per foraminula quædam ex prædictis protuberantiis vel tuberibus propemodum magnitudine & forma illa referentia, quæ conspiciuntur in parte virili, Verumontanum dicta.

III. Leviter scarificata parte illa cuspide scalpelli falcati, adhibitaque vehementissima expressione, illico exiliere insignes flocci ejusdem materiei supra unamquamque scarificationem.

IV. Paucis, nequaquam dissidebat ab illa, quæ se in virilibus testibus exhibet, colore, consistentia, ac proinde omnino alia erat ab humore oleoso, quem in libidinis stimulis profundunt mulieres, cujus originem vulgo deducunt a quibusdam glandulis infraglandulam vaginalem sitis.

Denique in scenam produco JOHANNEM BAPTISTAM MORGAGNUM, qui in *Adversariis Anatomicis primis* Anno 1706. publicatis §. 32. ita dicit: *Sive ego mulierum, seu vaccarum uteros secem, eadem mihi quæ innumeris quoque profestoribus,*

bus, lenti muci & limpidi, nisi quod ad flavum nonnihil vergit in summa vagina, itemque in cervice copia occurrit. Qui autem succas in suprema cervicis parte est, reliquoque utero, quique est in tubis Fallopiianis, is vero mihi satis dissimilis videri solet, ut illius propterea descripti muci scaturigines & fontes in ipsa cervice, osculoque uteri quarendos credam. Quos dum assidue perquiri, ecce quasdam vesiculas animadverto, varia magnitudine, omnes vero subrotundas, aut ovales, internam prope totam cervicis faciem confertis agminibus obtinentes. Hæ non mihi primo observatæ sunt; namque eas ibidem sæpe numero comperi, auctor olim fuit GRAFIUS de Mulierum organis cap. 8. quas postea BARTOLIUS, vid. les Nouvelles decouvertes &c. Tom. III. Lib. II. c. 2. atque ORTLOBIUS Hist. Part. & Occon. &c. Dissert. 34. confirmavere, & Præstantissimus quoque LITRIUS Memoires de l'Acad. Royal. des Scienc. 1701. pag. 294. observavit. Attamen suspicatus interdum sum, easdemne isti, quas ego, vesiculas consideraverint, cum plerique eorum hydatides esse, judicent, addatque ORTLOBIUS, eum, qui inerat, humorem ab infisso isdem vulnere non sine saltu prorupisse. Ut ut est, certè ego, lentum semper istum humorem, seu potius mucum esse, observavi, quem ex iis vesiculis multum exprimo, quemque sicuti cum liquore hydatidum, quæ circa testes, tubasque occurrebant, aliquando comparatum, magnopere inveni dissimilem, ita ejus muci, qui in cervice, & summa vagina est, nunquam non simillimum animadverti. Porro hæ vesiculæ nunc plures, alias pauciores intine cervicis tunica sunt intertextæ, ita ut ex altera parte in cervicis cavitate promineant, ex altera intra ejus substantiam sese recondant; Et vesiculæ quidem in plurimis hæ sunt. Minus sæpe autem in suprema cervice, circumque uteri orificium inveni, etsi aliquando hoc ipsam vidi confertissimis agminibus exornatum. An autem in hisce partibus, inque tota etiam cervice, quando nempe in hac quoque desiderantur, multo hæ vesiculæ sint minores, anne potius altè intus conditæ sint, merito aliquis suspicetur. Ego quidem ex uteri osculo, nullis apparentibus exterius vesiculis, multos circumquaque globulos descripti muci aliquando expressi, vidique præterea vesiculas aliquot intra cervicis ipsius substantiam penitus latentes; quas & Clarissimum MERGUM Histoire de l'Academie Royale des Sciences 1701. pag. 40. intra osculi uterini substantiam comperisse, non ignoro: suntque eadem facile

facile ea seminis conceptacula, quæ nempe Mr. DES NOUES observatione paulo ante referebam. Quæ cum ita sint, vestra est peritiae, Academici, utrum eæ vesiculæ sint veræ hydatides, judicare. Ego sane non multum ab eo absum, ut esse glandulas concipiam, unde is lentus & glutinosus mucus destilet, qui præter cæteras, quas supra attigimus, utilitates, hanc etiam præstet, ut in prægnantibus, siue ea concepti seminis vis sit, siue primo contractum, ut multi volunt, ipsius uteri orificium morari cogat, atque conrescere; certe longe densior & spissior factus, cum postea ulterioribus gestationis mensibus orificium id deducatur, subeuntis aëris injurias opportunissime defendat. Cæterum an ad muci ejusdem separationem is quoque glandulosus plexus conducatur, quem aliqui infra uteri orificium statuunt, me vero nunquam animadvertisse, confiteor; imprimis autem, an eæ vesiculæ sint hydatides, an sint glandulæ, vestrum, ut dixi, judicium facio; ego in re hac nihil certi propono.

Et meam si allegare experientiam fas est, hæc corpuscula frequentius circa cervicem uteri, imo aliquando unum alterumque in ipsa Tuba Fallopiana, quotiescunque hætenus cadaver foemininum secandi copia in nosocomio nostro concedebatur, vidi, meisque Auditoribus demonstravi.

Ad applausum denique ordo me ducit, quo ovula Nabothiana hætenus fuerunt excepta. Primum igitur sisto Dominum Dr. BENJAMINUM BENEDICTUM PETERMANNUM, qui in Decadis II Observatione IX. ita loquitur: „ Duo reperi in „ sexu sequiori ovaria, communis est Anatomicorum sententia. „ His autem tertium adhuc addere nonnullis placet, de quo Disputatio de sterilitate, sub Domini D. NABOTH, Exercitativissimi alias Anatomici, præsidio habita, consulenda. Utrum autem „ experientia & ratione hoc ipsum confirmari possit, impræsentiarum non disputabo. Nihilominus ex principiis Anatomico-Pathologicis demonstrari posse confido, in affectibus cachecticis, „ hydropicis, & tumoribus œdematosi internorum viscerum glandulas itatum quandam præternaturalem induere: siquidem has „ in non paucis cadaveribus dissectis quam maxime scirrholas, & ad hydatides Galeni referendas, observare nobis licuit. Memorabile jam referre lubet exemplum in cadavere meretricis hydropice extinctæ, in nosocomio annotatum. In hoc enim ab extra „prehendimus glandulas circa cervicem uteri, ovariorum ma-

„ xime similes. Illis autem dissectis nihil aliud se offerebat, quam
 „ lymphæ, uti alias in glandulis hydropicorum, viscida, rugæque
 „ simul vaginæ uterinæ partim excrecentiis carnosæ, partim glandulis
 „ scirrhis inftar globorum minorum refertæ conspiciebantur. Orificium uteri
 „ internum satis erat amplum, ut digiti crassioris cuspidem excipere posset. Ovarium dextrum lapillis nonnullis
 „ inftar granorum milii turgidum conspiciebatur. Quibus circumstantiis rite
 „ perpensis ex principiis Anatomico-Physiologicis concludimus, glandulas jam
 „ dictas scirrhas neutiquam pro ovario illo novo ac tertio haberi posse. Interim
 „ diutius haud vereor, interdum ovulum, aut fecundatum aut sterile sede sua
 „ naturali delapsum, per tubam Fallopianam in mulieribus, fluore albo laborantibus,
 „ partim propter lubricitatem fibrarum motricium ad cervicem uteri usque deferri, partim hujus
 „ peripheriæ propter visciditatem annecti, imo foetum ipsum in tuba Fallopiana
 „ concipi posse: uti talis tubaria conceptio non solum ordinario sit in brutis,
 „ cornibus nempe horum uterinis, sed etiam extraordinario modo in hominibus
 „ præter experientiam ELSHOLZII in eleganti Tract. de Conceptione Tuharia
 „ RIOLANI, ISBRANDI DIEMERBROEKII in Anatomia, MATTHIÆ TILINGII, aliorumque,
 „ mihi ipsi sub B. Parentis directorio in aliquot cadaveribus dissectis,
 „ sine ullo novi ovarii conceptu animadvertere licuit.

Cui adjungo Dominum *CHRISTIANUM FRIDERICUM BUTTIGER*, Medicinæ Doctorem, qui in *Disputatione*, in qua
factum non ante conceptionem in ovulo præexistere, sed post eandem
 formari docet, anno 1708. hic loci publice defensa hæc habet verba:

§. VII. „ Quæ cum ita sint, liceat mihi modeste dissentire à
 „ sententia negante, testes vera ovaria esse. Neque enim, quæ
 „ objicitur, observatio, qua puerperæ alicujus cadavere inciso, testes
 „ omnibus vesiculis privati, e contrario autem multa pinguedine cum
 „ intermixtis pilis referti animadverti sunt, mulieres absque
 „ testium ope concipere posse, probat ideo quod foemina illius
 „ testes intra illius temporis spatium, quo in utero gessit, vesiculis
 „ orbari, aut antea jam ex parte quidem morboşi, unam tamen
 „ alteramque vesiculam adhuc integram comprehendere potuerunt,
 „ indeque non mirum, quod foemina illa, etsi puerpera fuerit,
 „ nullas tamen in testibus post obitum ostenderit vesiculas;
 „ nec illico efficitur; quod ideo sine testium ope conceptum
 „ perit.

perit. Multo autem minus inde asserto robur accedit, quod non paucae foeminae post fata scirrhusos habere testes observatae fuerint, cum tamen ipsas complurium antea liberorum matres fuisse, constiterit. Potest enim hoc facile usu venire, nec tamen ulla nos urget necessitas inferendi, quod ideo conceperit foemina sine vesiculis. Nam, si aliquem hepatis, lienis, aut alius cujusdam visceris scirrhus laborare, possibile est, qui tamen ante unum alterumve annum prospera valetudine usus fuit; quidni etiam foeminae, liberorum antea matres factae, intra illud temporis spatium, uno nempe alteroque ante obitum anno, scirrhum contrahere possint. Quamobrem nullum mihi relinquitur dubium, quin haec omnes foeminae utero conceperint, dum adhuc vesiculas in testibus inclusas continuerunt, postquam autem omnis illorum substantia scirrhus occupata est, parere etiam desierunt. Idque eo lubentius mihi persuadeo, quo certius constat, quod pleraeque foeminae, quas scirrhusos aliove morbo viatos testes habere, in vivis conjectura, in demortuis autem anatomia detexit, steriles semper repertae sint, eamque ob causam testium morbi non immerito ab omnibus recentioribusque ac veteribus Medicis inter veras sterilitatis causas numerentur.

§. VIII., Quare haud equidem magis nobis verisimile sit, congeriem illarum vesicularum, quae interdum in cervice uteri reperitur, verum ac genuinum ovarium esse, cum rationes, quibus hoc ipsum stabilitur, ad accuratioris judicii lancem appendae, non debitum habere pondus momentumque deprehendantur. Sic enim non, ut dicitur, interna cervicis uteri superficies locus ovarii commodus est, sed incommodissimus, ovulorumque conservationi plane adversus. Siquidem inter omnes constat, quod partus tempore nulla fere pars uteri magis injuria afficiatur, quam ipsa ejusdem cervix; quippe cui egressum molis foetus vehementer capite innititur, eandemque mirum in modum distendit, ut facilis sit conjecturae locus, quod vix aliter fieri possit, quam ut hac ratione ovula ibi haerentia multum laedantur, penitusque intereant. Quod ipsum quoque dicendum foret de iis ovulis, quae superioris orificii uterini limbum, vaginam respicientem, occupant. Haec profecto ovula, cum jam extra cavitatem uteri constituta sint, à semine virili fecundata non sursum ad uterum adscenderent, ob arctissimam uteri constrictionem, sed proprio potius pondere in vaginam delapsa

„ inutiliter excernerentur. Quin si viris fide dignis credere fas
 „ est, talis novi ovarii locus matri quoque perniciosus esset. Di-
 „ citur enim Clarissimus Dominus FASCHLUS aliquando ob-
 „ servasse, quod honesta quædam & nobilis scœmina propter ovu-
 „ lum, nimis profundè ad uteri cervicem demissum, ibique in-
 „ crementum capiens, vita privata sit, idque ideo, quoniam tan-
 „ tæ extensioni insueta pars hæc ac crescente foetu tandem ru-
 „ pta est, foetusque in abdomen transmissus, quem post cada-
 „ veris incisionem intestinis quasi instratum invenerunt. vid. BER-
 „ TUCHII Dissert. de sterilitate, sub præsidio Dn. FASCHII ha-
 „ bita. Quomobrem si natura præter solennem legem, quam in
 „ reliquis omnibus animalibus perpetuo servat, in solo homine o-
 „ varium cavitati uteri includere voluisset, existimaverim, quod
 „ potius fundum uteri, ubi naturaliter ovula accrescere solent,
 „ tanquam sedem aptiorem delegisset, nec ovula in eo posuisset
 „ loco, unde post fecundationem iterum divelli, ac fursum ab-
 „ lata fundo demum uteri adfigi necessario debeant. Quod si igi-
 „ tur inter præcipua genuini ovarii requisita aptitudo loci non ul-
 „ timas tenet, multo potiori jure, testes mulierum vera ovaria
 „ esse, contendere possumus, utpote qui ejusmodi aliquem locum
 „ nacti sunt, quem sive tuendorum ovulorum ratione, sive alio quo-
 „ cunque respectu consideres, aptissimus semper est, atque miran-
 „ dam Summi Numinis providentiam non obscurè prodit. Quæ
 „ de conceptione canis, cujus tubæ in fimbriatis extremitatibus li-
 „ gatae fuerunt, referuntur, fidem pene superant, & quoniam
 „ alia exempla in contrarium adduci possunt, nihil evincunt.
 „ §. IX. „ Sicut autem novi ovarii locus parum congruus est,
 „ ita etiam vesiculæ, è quibus constat, non, ut perhibetur, pla-
 „ centæ uterinæ, chorii ac amnii, nec non vasorum umbili-
 „ calium rudimenta habent. Quod si enim à vasorum sanguifero-
 „ rum præsentia ad placentæ rudimentum argumentari liceret,
 „ eodem jure perhibere possemus, quod & hydatides & vesiculæ
 „ in testibus contentæ, quas supra cum Clarissimo MALPI-
 „ GHIO principium glandulosi corporis appellavimus, placen-
 „ tæ primordiis gaudeant, utpote quas copiosa vasa subire ac per-
 „ reptare laudatissimus Auctor, aliique docent. Quinimo cum
 „ placenta uteri nunquam in adultis duas tertias; sed vix tertiam
 „ occupet partem, rudimentum quoque illud valde dubium at-
 „ que incertum redditur, siquidem magnam res veritatis speciem
 „ habet.

„habet, quod, si pars illa vesiculæ verum esset placentæ prin-
 „cipium, eandem quoque in recentioribus pariter ac adultis ovīs
 „proportionem fervaret, neque in his tertiam duntaxat, in illis
 „autem tres omnino occuparet partes. Simili ratione tertia illarum
 „vesicularum pars, quæ à connexionē libera prominet, & mem-
 „branosa est, neutiquam ideo pro chorii & amnii rudimentis ha-
 „beri potest, quoniam in ovīs præsertim majoribus non difficul-
 „ter in duas lamellas discerpi observatur. Nam & vesicularum,
 „in testibus comprehensarum, tunicæ adhibito studio in lamellas
 „dividuntur, neque tamen ideo in verorum ovulorum numerum,
 „ut ipsi contrariæ sententiæ Authores fatentur, sunt referendæ;
 „& hydatides docente Domino de GRAAF de Mulier. Ovar. du-
 „plici ordinariæ tunica constant, quarum interior, licet tenuissima
 „sit, ab exteriori haud difficulter separatur, cum tamen nemo fa-
 „cile, has veris ovulis esse annumerandas, adfirmare audebit. Quin,
 „si expertis credere fas est, eam ipsam ob causam, quoniam facile
 „in lamellas dividuntur vesicularum illarum tunicæ, vera ovula non
 „sunt, & consequenter nullum habent chorii & amnii rudimen-
 „tum, siquidem laudatissimus de GRAAF hoc ipsum intercedere
 „discriminis inter vera ova atque hydatides, quod harum mem-
 „branæ facile, illorum autem difficulter in lamellas dispescan-
 „tur, ibidem adfirmat.

§ X. „Eodem fere modo comparatum est funiculi umbilicalis
 „rudimentum, quod ovulorum suorum liquori innatare atque fi-
 „brillæ speciem præ se ferre dicitur. Non enim aliam invenio hu-
 „jus rei probationem, nisi hanc; fibrilla innatat vesiculæ, ergo
 „fibrilla illa est funiculi umbilicalis rudimentum. Certe etiam hy-
 „datidibus interdum aliquid fibrilloso aut heterogenei innatat,
 „quod tamen æque minus pro funiculi aut foetus rudimento ha-
 „beri potest, ac fibrillæ sanguini innatantes. Accedit, quod fi-
 „brilla illa, in ovuli colliquamento observata, adeo subtilis fue-
 „rit, ut oculis usurpari vix potuerit, adeoque utrum ejus stru-
 „ctura cum funiculo umbilicali conveniat, nec ne, penitus igno-
 „remus. Ad contrarium itaque potius amplectendum, partim
 „præfens dissertatio, qua nullam foetus ante conceptionem præ-
 „existere delineationem, probaturi sumus, hortatur, partim quo-
 „que observationes, primordium foetus funiculi rudimento prius
 „in conspectum venire, testantes, suadent. Nullum enim est
 „dubium, quin, si fibrilla, quam se observasse contendunt, ve-
 „rum fuisset funiculi umbilicalis rudimentum, non prius, quam

B 3.

„ ipsum

„ ipsum corporis primordium in oculos incurrisset, quod ra-
 „ men factum ipsi referunt, dicentes, se illud duntaxat ocu-
 „ lis detexisse, hoc autem non difficulter mente concipere po-
 „ tuisse. Neque vero est cur aliquis sibi persuaderi patiatur,
 „ majoris momenti esse, quod vesiculæ illæ instar albuminis
 „ ovi coctione inspissari dicantur. Tamen enim mihi non-
 „ dum occasio obtigent, in rem hanc inquirendi, libenter
 „ tamen istud largiar, probe gnarus, quod non omnis vero-
 „ rum ovulorum formalitas in inspilatione consistat, sed alia
 „ præterea requirantur. Id quod contrariæ sententiæ defen-
 „ sores nolentes quasi fateri coguntur, utpote qui negant, tes-
 „ tes muliebres vera ovaria esse, aut genuina complexi ovu-
 „ la, cum tamen, illa coctione inspissari, certissimum sit, &
 „ quotidiana experientia confirmetur. Quodsi autem testium
 „ vesiculæ, quæ tamen igne inspissantur, vera ovula non sunt,
 „ firmissima quadam consequentia efficitur, quod & novi o-
 „ varii vesiculæ nequiquam ideo vera ovula appellari queant,
 „ quoniam illarum liquor instar albuminis ad ignem conden-
 „ satur, adeoque hoc etiam argumento nil probant. Quo-
 „ rum de novo ovario, in cervice uteri posito, sententiam pe-
 „ nitus evertit elegans NUCKII experimentum, qui referen-
 „ te excellentissimo Domino BERGERO Lib. de Natura
 „ humana p. 457. in cane foemina tertio post congressum die
 „ extraxit per vulnus, abdomini inflatum, sinistri lateris cor-
 „ nu, cujus ovarium jam duobus ovulis majusculis notabiliter
 „ conspicuum vidit, idemque deinde inter ovarium & vagi-
 „ nam medio loco ligatura arctiori constrictum, reposuit, ac
 „ vulnus obligatum intra ostiduum ad cicatricem perduxit.
 „ Vigesimo primo ab injecta ligatura die canem secuit, & cor-
 „ nu sinistri partem ligaturam inter & vaginam vacuum & ina-
 „ nem deprehendit. Quo profecto experimento nil clarius
 „ esse potest, siquidem nemo non inde intelligit, quod, si ova-
 „ rium in cervice esset positum, foetus quoque necessario intra
 „ ligaturam & cervicem inveniri debuerint, spatio, quod testes
 „ respicit, inani relicto.

Hunc excipit Dominus ANDREAS OTTOMARUS
 GOELICKE Med. Doctor ejusdemque antehac in Friderici-
 ciana P. P. Extraordinarius, nunc vero in Academia Regia, quæ
 est Duisburgi Clivorum Medicinæ Professor ordinarius, qui

Anno

Anno 1708. Halæ Magdeburgicæ Disputationem habuit Medico-Forensem, qua demonstratur, *Partum oſtimeſſrem vitalem eſſe & legitimum*, & inter alia his uſus eſt verbis.

§. XI. „ Tria imprimis ſunt, quæ pro confirmatione ſententiæ ſuæ urgere videtur Dominus D. NABOTH. Primum eſt, quod novum illud ovarium in omnibus ſœmellis ſemper & ſine diſcrimine temporis reperiatur. Multum ſane negotii ſibi facieſſeret Author, ſi propoſitionem hanc maxime univerſalem in omnibus ſubjectis ſemper & ſine diſcrimine temporis ipſa autopſia comprobare deberet. Fuerunt per totidem ſecula & adhuc ſunt multi perſpicaciffimi, & ſi ita loqui fas eſt, ipſo Argo oculatiores Anatomici, qui in totidem uteris cultro ſuo ſubjectis procul dubio veſiculas illas, utpote quarum aliæ piſi majoris, aliæ minoris, nonnullæ ſeminis cannabini, plures granorum, millii magnitudinem ſecundum ejus obſervationem æmulantur, obſervaturi fuiſſent. Profundiſſimum vero eorundem de his rebus ſilentium propoſitionis hujus univerſalitatem maxime dubiam & ſuſpectam reddit, potiſſimum cum ad corpuscula tantæ capacitatis videndum non requiratur oculus microſcopio Lewenhoeckiano aut Muſchenbroeckiano demum munitus, ſed vel ſemicæco, etiam invito & tale quid non quærenti, manifeſte ſeſe palpanda obtrudant. Et ne quid diſſimulem, contigit etiam mihi ante biennium, puellam quandam decem annorum in ſuburbio Hallenſi examini Anatomico ſubjicere, & cum jam tum temporis de novo ovario Lipſiæ invento muſſitarent Studioſi Medicinæ, cupiditas inceſſit animo, negotium illud rimandi curatius, adeoque non difficulter a matre puellæ obtinui, ut uterum cum annexis tubis domum mecum deferrem; ſed ingenuè confiteor, me totam internam ejus ſuperficiem glabram, nullis tuberculis aut veſiculis aſperam aut inæqualem deprehendiſſe, etiamſi vel microſcopiis accuratiſſimis, quibus non deſtituor, uterum undiquaque luſtrarem: an oculorum hebetudo, an ovulorum parvitas, an vero, quod probabilius, eorundem abſentia in cauſa fuerit, ex his faciliſſimum eſt dijudicare.

§. XII. „ Alterum, quod ipſum ad novam hanc hypotheſin ſtatuminandam commoviſſe videtur, eſt ovarii hujus ſim-
plici-

„ plicitas, sive, quod solitarium sit seu unicū, licet paulo post
 „ non obscure sibi contradicere videatur, dum asserit, quod
 „ licet sit simplex, subinde nihilominus in circumferentia cer-
 „ vicis interna fere instar binarum arbuscularum cum ramulis
 „ expanfarum atque fructibus conspiciatur. Quod tamen hac
 „ vice non admodum urgebo, illud tantum breviter monitu-
 „ rus, istam organorum corporeorum simplicitatem providam
 „ ac solertem naturam sedulò semper ac studiose ubivis evi-
 „ tasse, adeoque homini binos oculos, binas aures, duas na-
 „ rium pinnas, duos renes, totidemque vasa spermatica, duos
 „ testiculos, duo ovaria, plures lobos pulmonum ac hepatis,
 „ paria semper nervorum tam ex cerebro, quam ex medulla
 „ spinali prodeuntia liberaliter indultisse, idque eandem non
 „ nisi summa providentia fecisse, ut alterò horum organo-
 „ rum læso vel corrupto, alterum nihilominus salvum esset ac
 „ superstes. Tantum igitur abest, ut imaginaria illa ovarii sic
 „ dicti simplicitas aliquam foemellis prærogativam sitallatura, ut
 „ potius iisdem in procreatione sobolis summè noxia futura
 „ sit. Tali enim ovario simplici semel destructo nulla ampli-
 „ us generationis ætui medicina superest: cum econtra in du-
 „ plici ovario antiquo, altero læso, alterum adhuc integrum
 „ sit, & talis foemella felix adhuc multorum liberorum possit
 „ esse mater, uti mulier apud Cyprianum, evidenter pro-
 „ bat.

„ §. XIII. „ Sed tertium, idque princeps argumentum impri-
 „ mis suppeditat commodus situs seu locus, in quo ovarium
 „ novum deprehenditur, occupans quippe omnem internam
 „ cervicis uteri superficiem, ad infimam usque cavitatis fundi
 „ uterini partem, licet etiam nonnullæ istarum vesicularum
 „ limbum orificii interni excurrant, & nonnunquam in cir-
 „ cumferentia cervicis interna instar binarum arbuscularum
 „ cum ramulis expanfarum atque fructibus eleganter conspi-
 „ ciantur. Ecce quam pulcrum ovarium, in quo pusiones
 „ crescunt, non aliter ac pira & poma in arbusculis. Lubens
 „ tamen agnosco commodum istum situm ad immediatum fe-
 „ minis masculini contactum vividius suscipiendum multum
 „ conferre. Sed quis non videt, ex tali foecundo congressu
 „ non unum vel alterum pusionem, sed integram eorum co-
 „ loniam esse prodituram, sicuti non sine singulari delectatio-
 „ ne

ne a bombycibus sæpenumero multas oculorum series centuriatim semine illorum profico consperfas & fecundas redditas fuisse, observavi. Sed mulieres tamen ordinario non sunt multiparæ.

§. XII. ,, Aft duriora adhuc fata miserorum pufionum cervicibus imminent, quia patria illorum, hoc est, vesiculæ ulterius describuntur, tanquam duabus partibus substantiæ cervicis immersæ, & cum eadem veluti continuatæ, parte circiter tertia, extra internam cervicis uterinæ superficiem prominente. Doleo merito illorum fortem: quisenim ipsos ex foveis illis profundissimis, quibus immerguntur, liberabit? Quis credet, hoc pacto ullum partum naturalem esse futurum, qui non bipalio effodiendus, aut cultris incisoriis ex uteri cervice, cum qua non tantum continua, sed etiam ad duas tertias partes immersa sunt ovula, excindendus sit? Et unde constat tantum placenta uterinæ vicem explere, quantum ultra duas tertias substantiæ cervicis est immersum? Annon hinc sequeretur, placentam uterinam ut plurimum cervici uteri debere esse agglutinatam, adeoque non leve foetui exituro obijcere obstaculum, quod tamen est contra inspectionem ocularem? cum placenta uterina fundo uteri constanter adhæreat, licet in eo varius observetur naturæ lusus, dum interdum in sinistra, nonnunquam in posteriore fundi uterini parte hæsisse deprehensa est, quemadmodum in nuperrima sectione, quam in muliere quadam rustica, præsentibus quibusdam auditorum meorum administramus, eandem parti uteri dextræ adhæsisse, clare conspeximus. Unde vero porro probabit D. Author, in vesiculis uterinis contineri germen, id est, totum foetus corpusculum, cum ipsemet fateatur, singulas foetus partes nullum oculum, optimis licet vitris armatum, discernere posse? Iisdem difficultatibus premuntur, quæ de amnio & chorio tanquam membranis foetum involventibus & funiculo umbilicali profert. Hæc vero omnia si dubia sunt, incerta & ex rationis tantum speculantis conceptibus profecta, uti ipsemet non negat, nemo nobis vitio vertet, si quæ juxta leges hujus hypotheseos adhuc restarent dubia circa conceptionem, & inchoandam & perficiendam, exponenda, in aliud tempus remittamus.

Atque hanc suam sententiam de ovario Nabothiano iterum re-

perit Clarissimus GOELIKE in *Historia Anatomia* superiori anno in lucem divulgata, tandemque concludit pag. 183. *Veratur autem in eo totius rei cardo & vesicularum istarum, quas nonnullis abusive seminales vocare placet, certitudo & universalis existentia, in quibuscunque subjectis femineis Anatomice demonstratur, qua demonstratione hactenus deficiente, irritum sane est, quicquid de usibus & confectariis in Physiologiam & Pathologiam inde resultantibus differitur. Stabunt sane due ille rationes in contrarium allatae inconcussae, quamdiu primo per observationes saepius iteratas & experientiam magis universalem non ostenditur, vesiculas istas semper & in omnibus promiscue femellis, tam brutis quam humanis, & id quidem secundo non in statu extraordinario seu morbofo, sed quam maxime secundum naturam.*

Hae duo quamdiu solide non praestantur, non poterunt, qui talia ferro obiciunt, accusari, frustra esse, quod veritatem rei Anatomicam sollicitent, vel penitus universalem istarum vesicularum existentiam negando, vel earundem naturalitatem, (ut sic barbare cum aliis loquar), infringendo.

Habes hic, Vir Clarissime, Historiam Ovuli Nabothiani: superest, ut pro ea, qua polles Authoritate, Judicem Te nunc praestes, nec in ambiguo ulterius relinquo ordinem Medicum. De caetero ex animo opto, ut Supremum Numen sufficientes corpori animoque vires largiri velit clementissime, quo in perpetuum Artis salutaris ornamentum & emolumentum, quicquid Curiosi adhuc condunt pretiosi Tui Thesauri, cum orbe Literato communicare valeas, quod animitus optat

Clarissimi Tui Nomine

Cultor indefessus,

*Dabam Lipsiae,
die 6. Maji 1714.*

D. MICHAEL ERNESTUS ETMULLERUS.